


二十二史攷異

唐書七之十三

四十七之五十三



漢書門類			
九	三	〇	三
號	函	架	冊
二	一	七	〇
〇	〇	〇	〇
冊	架	函	號

內閣文庫			
九	三	〇	三
號	函	架	冊
二	一	七	〇
〇	〇	〇	〇
冊	架	函	號

內閣文庫			
番號	漢	9303	
冊數	20	(11)	
函號	299	2	





唐書七

藏書印

廿二史攷異四十七

錢大昕學

方鎮表二

景雲二年北都長史領持節和戎大武等諸軍州節度

使按開元十一年始以太原為北都都置留守都


督府乃有長史此文當云并州大都督府長史或省

并州長史不當云北都長史也大武軍後改大同軍

開元五年領天兵軍大使時并州長史張嘉貞言突

厥九姓新內屬雜處太原北請置天兵軍綏護其衆

詔以嘉貞領天兵使八年嘉貞入相除張說并州長



史天兵軍節度大使代之

十八年夏太原府以北諸軍州節度爲河東節度 漢之河東郡在今平陽府後魏周隋之河東郡卽蒲州自唐設節鎮而太原遂兼河東之名其後升蒲州爲河中府分爲兩鎮而河東縣猶爲蒲州治所唐會要開元十八年十二月宋之悌除河東節度使已後遂爲定額

至德元載置河南節度使 是歲始以嗣吳王祗爲陳留太守河南道節度采訪使未幾以嗣虢王巨代祗未幾又以賀蘭進明代巨節度次年以宰相張鎬領

河南節度采訪使代進明乾元元年鎬左遷以崔光遠代之其冬光遠爲魏州刺史城陷出奔表云乾元元年廢河南節度當在光遠改官之後也

置淮南西道節度使 以來瑱爲之

置青密節度使 青州時爲北海郡當云北海節度使史據後改稱之鄧景山傳至德初擢拜青齊節度使卽表所稱青密節度也

置鄆齊兗三州防禦使治齊州 此與河南淮西諸節度同時置而彼稱郡名此稱州名體例殊不畫一攷舊本紀乾元元年九月以能元皓爲齊州刺史齊兗

鄆等州防禦使

凡節度防禦團練使帶刺史卽是所治之州

疑表書此事

本在乾元元年時已改郡爲州故不稱郡而稱州傳刻之譌溷入前兩格耳

乾元元年淮南西道徙治鄭州

是時魯炅以襄鄧節

度兼領淮西而鄭州別置節度以季廣瑛爲帥史所稱鄭蔡節度也

別置豫汝許節度使治豫州

按舊本紀乾元二年四

月以興平軍節度李奐兼豫許汝等州節度使此與廢淮西節度蓋一時事表書於元年疑誤

青密節度增領滑濮二州

以許叔冀爲節度使

二年置汴滑節度使治滑州領州五滑濮汴曹宋又置

河南節度使治徐州領州五徐泗海亳穎

是歲三

月以滑州刺史許叔冀充滑汴曹宋等州節度使蓋滑汴與青密分爲二也又以鄆州刺史尚衡爲徐州

刺史充亳穎等州節度使卽表所稱河南節度也

鄭陳節度使領鄭陳亳穎四州治鄭州尋增領申光

壽三州未幾以三州隸淮西

是歲四月以魯炅爲

鄭陳穎亳節度使炅本領襄鄧淮西二鎮今解襄鄧祇領鄭陳四州節度蓋以相州師潰之故表所稱置

鄭陳節度也六月以彭元曜爲鄭州刺史充陳鄭申

光壽等州節度使蓋炅歿而元曜代之表所謂增領三州也其九月以王仲昇充申安沔等州節度使表所謂復置淮南西道節度以三州還隸淮西是也青密節度使增領淄沂海三州是歲四月以徐州刺史尚衡為青州刺史充青淄密登萊沂海等州節度使即表所云增領三州也

升鄆齊兗三州都防禦使為節度使能元皓自都防禦升節度使治兗州故史稱兗鄆節度

上元二年置滑衛節度使治滑州乾元二年滑汴節度使許叔冀降賊至是令狐彰以滑州歸朝因授滑

衛相魏德貝六州節度

淮南西道節度使增領陳鄭潁亳汴曹宋徐泗九州徙治安州號淮西十六州節度使今按寶應元年淮西帥王仲昇為賊所虜乃除來瑱淮西河南十六州節度使來瑒傳云十五州無亳徐壽而有豫許而以裴茂代瑒鎮襄陽既而瑒竟不行則河南淮西必別置帥故表又有寶應元年復置河南節度之文其實祇一年中事耳據肅宗紀王仲昇與史朝義將謝欽讓戰于申州敗績在寶應元年建卯月而來瑒移鎮淮西之命乃在仲昇敗沒以後則此表以廢河南節度及淮西增領十

六州事屬之上元二年者其誤顯狀矣

置淄沂節度使 按舊本紀殷仲卿為淄州刺史淄沂

滄德棣等州節度使在上元元年十月

平盧軍節度使侯希逸引兵保青州授青密節度使

據通鑑在寶應元年平盧軍本置于營州至是移駐

青州而淄青節度遂兼平盧之號猶鳳翔兼隴右涇

原兼四鎮北庭行營也

寶應元年復置河南節度使治汴州 以田神功為節

度使

淮西節度增領許隨唐三州 是歲七月以李忠臣為

淮西十一州節度尋加安州刺史

以鄭州隸澤潞節度 乾元二年九月李抱玉為鄭陳

潁亳節度使至是除澤潞節度仍以鄭隸之

申州隸蔡汝節度 蔡州即豫州是年代宗即位避諱

改名節度使則李忠臣也

是年廢兗鄆節度 本以田神功代能元皓為兗鄆帥

神功移鎮汴州因以兗鄆所領分隸神功與侯希逸

也

廣德元年析相貝別置節度魏博別置防禦 相貝魏

博諸州為賊所據雖領於令狐彰實不能有其地至

是薛嵩田承嗣始以州歸朝因授以節鎮也滄德亦  
侯希逸遙領至是始隸魏博

永泰元年淄青平盧節度增領押新羅北海兩番使

北海當作渤海

大歷十一年廢河南節度使是歲汴宋留後田神玉  
卒其將李靈耀拒命詔諸道兵討之李正己取曹兗  
中鄆濮徐五州李忠臣取汴州卽以其地益之李勉本  
兼汴宋節度所得惟宋泗二州耳

淮西節度增領汴州徙治汴州李忠臣徙治汴蓋欲  
伺隙兼取汴宋故地

十四年淮西節度使復治蔡州更號申光蔡節度使汴  
州隸永平軍節度是歲李希烈逐忠臣卽以三州  
與之仍以汴還永平軍令李勉移治之

建中二年置宋毫潁節度使治宋州時永平將劉洽  
有功析三州除節鎮

三年廢淄青平盧節度使是時李納拒命下詔討之  
故析其地爲三鎮徐海沂密四州亦在淄青管內也  
興元元年納歸命仍復其舊

興元元年宣武軍節度使徙治汴州時劉洽破李希  
烈取汴州卽以其地與之



賜河東節度號保寧軍節度 時馬燧為節度使賜軍號以寵之貞元三年燧罷兵柄因去軍額

貞元四年置徐泗濠三州節度使 徐州本在淄青管內李洧始以州歸國至是因李泌言於徐州置鎮以張建封為節度使濠當作豪地理志濠州字初作豪元和三年改從濠建封除帥在元和以前其時未加水旁韓退之有徐泗豪三州節度掌書記廳壁記退之在建封幕中所作也建封傳亦作濠史家失於攷正耳

十六年廢徐泗濠三州節度使未幾復置泗濠二州觀察使隸淮南徐州領本州留後 是歲張建封卒軍中請立其子愔為留後德宗不許命將討之故廢節度而以濠泗隸淮南既而師出無功乃除愔刺史知留後事而濠泗別立觀察也

元和二年廢泗濠二州觀察使置武寧軍節度使治徐州領徐泗濠三州 是歲張愔以疾求代除王紹節度武寧復領濠泗二州據表似武寧之號在兼領三州之日而愔傳云進愔武寧軍節度使是又不始於王紹也 舊書順宗紀永貞元年徐州節度賜名武寧軍 十一年彰義軍增領唐隨鄧三州尋以三州別置節度

使時唐隨鄧節度高霞寓討吳元濟兵敗乃以袁  
滋為彰義軍節度使申光唐蔡隨鄧州觀察使故云  
彰義軍兼領三州朕元濟方拒命滋雖有彰義節度  
之名所領者仍不過唐鄧隨耳及滋罷而用李愬為  
帥仍稱唐隨鄧不帶彰義軍銜故云別置要之名異  
而實同也

十二年彰義軍節度復為淮西節度是歲裴度以宰  
相領節度事度入朝除馬總為節度史皆稱彰義軍  
未嘗改名淮西也

十三年廢淮西節度是歲馬總移鎮忠武即以蔡隸  
之而以光州隸淮南申州隸鄂岳自是蔡州無節鎮  
者六十四年中和初秦宗權據之於是又有奉國軍  
之名

十四年淄青平盧節度使領青淄齊登萊五州時李  
師道誅析其地為三鎮

會昌四年升大同都團練使為大同都防禦使據此  
似防禦高於團練狀百官志防禦列團練之下

咸通三年罷武寧軍節度置徐州團練防禦使隸兗海  
又置宿泗等州都團練觀察處置使治宿州是歲  
以徐州驕卒逐節度使温璋令王式代之式至鎮誅

徐卒三千餘人因降其使額爲防禦也據舊書本紀  
四年四月勅徐州罷防禦使爲支郡隸兗州則徐州  
之隸兗海在次年罷防禦以後表書於三年似誤  
十年置徐泗節度使是年復置都團練防禦使增領濠  
宿二州是歲正月除王晏權武寧軍節度使爲討  
龐勛故也然舊本紀咸通九年龐勛陷徐州殺節度  
使崔彥曾其時先已升團練爲節度矣其秋勛伏誅  
乃除曹翺徐泗濠團練防禦使是節度又降爲團練  
也

中和二年夏大同節度爲鴈門節度領左神策軍天寧

鎮遏觀察使徙治代州 按舊史僖宗紀中和元年

四月以前大同軍防禦使李克用檢校工部尚書兼  
代州刺史鴈門已北行營兵馬節度等使卽表所云  
鴈門節度徙治代州也是年克用假道太原爲鄭從  
謙所阻還屯代州至次年克用兵至河中乃兼神策  
天寧軍鎮遏忻代觀察使卽表所云忻代二州隸鴈  
門節度也神策本禁軍其時偶隸克用麾下非鴈門  
帥所得領似不當人方鎮表

四年河東節度復領雲蔚二州 雲蔚本克用所部今  
移鎮河東仍以二州益之

乾寧二年析齊州置武肅軍防禦使 唐末防禦使亦有軍名如齊州置武肅軍防禦金州置昭信軍防禦杭州置武勝軍防禦眉州置保勝軍防禦是也是時朱全忠攻朱瑾瑾兄瓊以齊州降故升置防禦以授瓊瓊爲瑾所殺全忠以瓊弟玘代之 四年賜沂海節度使爲泰寧軍節度使 是歲朱全忠克兗州以葛從周爲帥攷本紀乾符六年書泰寧軍節度使李係光啟元年書泰寧軍節度使齊克讓乾寧二年書泰寧軍節度使朱瑾似泰寧軍號先已有之

光化元年感化軍節度復爲武寧軍節度未幾復爲感化軍節度 按僖宗紀中和元年感化軍將時溥逐其節度使支詳自稱留後三年武寧軍節度使時溥爲東面兵馬都統光啟二年武寧軍將丁從實陷常州武寧軍將張雄陷蘇州昭宗紀景福元年武寧軍將張璠張諫以濠泗二州叛附于朱全忠二年朱全忠陷徐州武寧軍節度使時溥歿之時溥傳亦云僖宗以武寧節度命之則感化之復爲武寧似在時溥爲節度之日宰相表景福元年二月劉崇望罷爲武寧軍節度使其時欲以崇望代溥而溥不肯代則溥

為徐帥其軍號武寧必矣或朱全忠取徐之後又改  
 武寧軍為感化軍乎乾寧四年全忠奏以潁州刺史  
 王敬蕤兼徐州刺史武寧軍節度使即此表所云感  
 化軍復為武寧也乾寧四年十一月奏請必以次年抵任故表係之光化元年光  
 化三年全忠又表朱友恭為潁州刺史感化軍節度  
 留後即表所云未幾復為感化軍也  
 天復元年罷感化軍節度按舊本紀是年二月以朱  
 友裕為華州刺史感化軍節度使四月以潁州刺史  
 朱友恭兼徐州刺史武寧軍節度使至天祐二年全  
 忠封魏王武寧一道亦在管內蓋是年移感化軍名

於華州而徐州軍額仍為武寧初非罷此軍節度也  
 表殆失之

方輿表三

開元二年置幽州節度諸州軍管內置略鎮守大使

唐會要先天二年二月甄道一除幽州節度經略使

守使先天二年即開元元年也相若一年

置營平鎮守於太平州

文

七年升平州軍使為平州軍節度經略河北支度管內

唐書七

攷異

唐書七

十一

武寧

武寧軍為感化軍乎乾寧四年全忠素以潁州刺史

士敬業兼徐州刺史武寧軍節度使即此表所云感

化軍復為武寧也年抵任故表係之光化元年

化三年全忠又表朱友恭為潁州刺史感化軍節度

留後即表所云朱幾復為感化軍也

天復元年罷感化軍節度按舊本紀是年二月以朱

友恭為華州刺史感化軍節度使四月以潁州刺史

朱敬業為華州刺史武寧軍節度使至天祐二年全

忠欲去之存州刺史武寧軍節度使至天祐二年全

忠華州而移州軍滕公為元寧府非謂此軍節度也

唐書八

廿二史攷異四十八

錢大昕學

方鎮表三

開元二年置幽州節度諸州軍管內經略鎮守大使

唐會要先天二年二月甄道一除幽州節度經略鎮

守使先天二年即開元元年也相差一年

置營平鎮守治太平州幽州管內無太平州恐有譌

文

七年升平盧軍使為平盧軍節度經略河北支度管內

諸蕃及營田等使唐會要開元七年閏七月張敬

文

唐書八

忠除平盧軍節度使始有節度之号八年四月除許  
欽琰又帶管內諸軍諸蕃及支度營田等使  
十五年幽州節度大使兼河北支度營田事 事當作  
使唐會要開元十五年十二月除李尚隱又帶河北  
支度營田使  
二十七年幽州節度使增領河北海運使唐會要是  
年十二月除李適之又加河北海運使  
二十八年平盧軍節度使兼押兩蕃渤海黑水四府經  
略處置使 唐會要是年二月除王斛斯又加押兩  
番及渤海黑水等四府經略處置使

天寶元年更幽州節度使為范陽節度使唐會要是  
年十月除裴寬為范陽節度使其年安祿山為平盧  
節度三年代寬鎮范陽仍領平盧軍  
至德元載置澤潞沁節度使以程千里為上黨節度  
二載升河中防禦為河中節度兼蒲關防禦使領蒲晉  
絳隰慈隰同七州 按舊史肅宗紀乾元元年九月  
以趙泚為蒲州刺史蒲同號三州節度使此河中置  
節鎮之始所領不過三州二年七月以王璵為蒲州  
刺史蒲同絳三州節度使易號以絳所領仍不過三  
州時已置號華節度使以來璵為之故不及號也至

上元元年二月以崔寓爲蒲州刺史蒲同晉絳等州節度使或隰慈二州亦在管內乎至德中蒲州未有河中之名其置節度在乾元元年表皆誤

乾元二年河中節度兼河中尹 按舊本紀上元元年三月升蒲州爲河中府其四月以蕭華爲河中尹充同晉絳等州節度觀察處置使表書於乾元二年誤廣德元年置相衛節度使治相州是年增領貝邢洛號洛相節度衛州復隸澤潞未幾復領號相衛六州節度使 相衛貝邢洛凡五州而云六州疑有譌脫大歷元年相衛六州節度賜號昭義車 是時薛嵩爲

節度使昭義之號本在相州後乃移於潞州也地理志永泰元年昭義節度使薛嵩表置磁州六州之名蓋合磁言之狀廣德初尚未有磁州當於永泰元年書增領磁州號相衛六州節度使方爲得之

十年瀛州隸幽州盧龍節度滄州隸義武軍節度德州隸淄青平盧節度 是歲昭義帥薛嵩爲其下所逐田承嗣盜有其地詔遣諸道討之李正已得德州李寶臣得滄州而承嗣將吳希光亦以瀛州降其時朱滔方恭順故卽以瀛與之也義武當爲成德之譌自是承嗣失瀛滄德三州而得相衛洛貝四州



建中元年昭義軍節度兼領澤潞二州徙治潞州 按澤潞與昭義本是兩鎮李抱玉爲澤潞帥移鎮鳳翔兼領澤潞以從弟抱真爲留後大歷十一年昭義帥李承昭病以抱真權知磁邢兵馬留後其時昭義所管祇有兩州耳至是抱真正授節度遂兼澤潞之地三年罷成德軍節度置恒冀都團練觀察使治恒州深趙都團練觀察使治趙州 是歲李惟岳爲王武俊所殺分成德管內爲三鎮以武俊爲恒冀都團練觀察使康日知爲深趙都團練觀察使張孝忠爲易定節度使名其軍曰義武

置義武軍 按表於義武一鎮闕略不完以例言之當云置義武軍節度領易定滄三州治定州又於貞元三年書以滄州隸橫海軍節度乃爲得之

興元元年置晉慈隰節度使治晉州尋罷復置河中節度使領河中府同絳虢陝四州 是歲李懷光據河中以叛四月以唐朝臣爲河中尹河中同晉絳節度使遙領使名未能有其地也八月以渾瑊兼河中絳州節度使充河中同華陝虢行營副元帥以馬燧兼晉慈隰節度使燧又讓於康日知自是分爲二鎮表當先云復置河中節度使次云置晉慈隰節度使治

晉州乃得其實此文先後失序其云晉慈隰節度尋罷尤誤也

廢恒冀漢趙二觀察復置成德軍節度使領恒冀漢趙四州 初恒趙分鎮王武俊自以功大賞薄不受命與田悅李納朱滔合從阻兵兩載及德宗幸奉天武俊首先歸順因授節度仍以漢趙與之明年朱滔死并以德棣還之

貞元三年置橫海軍節度使 以程懷直為節度使 四年置晉慈隰防禦觀察使 時康日知已卒除崔漢衡為觀察使加都防禦不稱節度依表例當先六罷

晉慈隰節度而後云置防禦也

十五年罷河中節度置河中防禦觀察使 是歲渾瑊薨除杜確河中尹河中絳州觀察使不加節鎮其後鄭元杜黃裳等復為節度矣

元和三年罷晉慈隰觀察使以三州隸河中節度 按韋丹傳拜晉慈隰觀察使閱歲自陳所治三州非要害地不足張職為國家費不如屬之河東帝從之正謂此也舊本紀元和二年正月以杜黃裳檢校司空同平章事兼河中尹河中晉絳等州節度使則河中兼領晉慈隰蓋在元和二年

四年置保信軍節度使領德棣二州 成德帥王士真卒子承宗請獻德棣二州因置保信軍別除薛昌朝爲節度旣而承宗拒命吐突承瓘出兵無功乃罷保信軍復以二州隸成德軍  
十三年以德棣二州隸橫海節度 時吳元濟旣平橫海程權亦請入朝受代承宗始獻德棣二州乃除鄭權橫海軍節度德棣滄景觀察使尋又以烏重允代之

十四年罷河中節度置河中都防禦觀察使 是歲除李絳河中觀察使宰相皇甫鎛惡絳故不授節制其明年以韓宏代絳仍爲節度

長慶元年置淡冀節度治淡州尋罷 是歲八月以淡州刺史牛元翼爲淡冀節度使尋授元翼成德軍節度并領淡冀

置瀛莫都團練觀察使治瀛州尋升爲節度使 是歲三月幽州帥劉總移鎮析其地以盧士玫爲瀛莫都團練觀察使七月朱克融作亂就升士玫節度使未幾士玫亦被囚此鎮遂廢

置德棣二州觀察處置使 按舊本紀長慶二年二月以李光顏爲滄州刺史橫海軍節度使以李全略爲

德州刺史德棣等州節度使卽其事也表係於元年  
又不云節度當以舊紀爲正未幾光顏還鎮許州仍  
以全略爲橫海軍節度合二鎮爲一

二年置晉慈都團練觀察使以李寰爲使  
大和元年升晉慈觀察使爲保義軍節度是年罷寰  
自觀察遷節度尋移鎮橫海遂罷保義軍

三年置相衛澶三州節度使史憲誠上書求覲詔移  
鎮河中以其子孝章爲相衛澶節度使旣而魏軍亂  
殺憲誠立何進滔遂罷相衛節度而徙孝章鎮鄜坊  
罷橫海節度更置齊德節度使鎮德州尋廢復置更號

齊德滄節度使按是歲五月誅李同捷以傅毅代

李祐鎮橫海而別以李有裕本名古爲齊德節度蓋析

爲二鎮初未罷橫海節度也其八月以殷侑爲齊德

滄節度使始去橫海之號

會昌四年澤州隸河陽節度澤州以下九字當在弟

二格誤入弟一格

中和二年節度使孟方立徙昭義軍于邢州而兼領潞  
州自是五州有二昭義節度按自會昌平劉稹以  
後昭義止有潞邢洛磁四州表云五州者誤也方立  
旣稱節度而李克用復表其弟克脩爲昭義節度治

潞州由是有兩昭義軍此中和三年事表敘此事失  
之太略矣唐書卷八十八光啟元年賜河中節度號護國軍節度會時王重榮爲  
節度使唐書卷八十八乾寧二年齊州隸武肅軍節度上卷云析齊州置武  
肅軍防禦使此云節度似誤唐書卷八十八天復元年二昭義軍節度合爲一復領澤州按中和  
三年分立昭義二鎮大順元年李克用取邢洺磁三  
州以安金俊爲團練使二年以李存孝爲邢州留後  
乾寧元年馬師素爲邢洺節度使皆克用表授故不  
帶昭義軍號也光化元年葛從周取邢洺磁三州朱  
全忠表從周爲留後復稱昭義軍其冬潞州節度薛  
志勤卒李罕之據潞以叛全忠因表爲昭義節度明  
年以丁會代之自是兩昭義軍皆屬於汴旣而李嗣  
昭復取澤潞克用表孟遷爲昭義節度天復元年汴  
軍攻澤潞孟遷以城降仍除丁會昭義節度卽表所  
云二節度合爲一也據舊本紀是年全忠奏請於昭  
義節度官階內落下邢洺磁三州却以澤州爲屬郡  
其河陽節度只以懷州爲屬郡從之則是分邢洺磁  
與昭義爲二鎮初非合而爲一表殆誤矣又攷五代

史孟方立傳稱李克脩爲澤潞節度使而李罕之以澤州刺史得據潞府似澤州久在昭義管內但此時始著爲令耳

方鎮表四

景雲元年安西都護四鎮經略大使 都護下當有領字四鎮謂安西疏勒于闐焉耆也安西治龜茲地置河西諸軍州節度支度營田督察九姓部落赤水軍兵馬大使 按唐會要景雲二年四月賀拔延嗣爲涼州都督充河西節度使自此始有節度之号至開元二年四月除楊執一又兼赤水九姓本道支度營

田等使表俱繫之元年似疏

先天元年北庭都護領伊西節度等使 唐會要先天元年十一月史獻除伊西節度兼瀚海軍使

開元五年置隴右節度兼隴右道經略大使 唐會要

開元元年十二月鄯州都督陽矩除隴右節度自此始有節度之号至十五年十二月除張志亮又兼經略支度營田等使已後爲定額

六年安西都護領四鎮節度支度經略使 唐會要開

元六年三月楊嘉惠除四鎮節度經略使

七年升劔南支度營田處置兵馬經略使爲節度使兼

昆明軍使 唐會要開元五年三月齊景肅除劔南節度支度營田兼姚嶠等州處置兵馬使因此使有節度之号表云七年似誤又青城山常道觀有石刻開元十三年張敬忠上表其署銜云益州大都督府長史劔南道節度大使兼本道採訪經略大使則其時又有大使之名矣

天寶十三載安西四鎮復兼北庭節度 是年三月以安西四鎮節度封常清兼伊西北庭節度

至德元載襄陽南陽二郡皆置防禦守捉使尋并南陽防禦為節度使 時魯炆以南陽太守兼守捉防禦

使尋遷南陽節度使襄陽防禦使則魏仲犀也

置興平節度使 以李奐為之

天水郡太守兼防禦守捉使及大震關使 蓋以郭英又兼之

二載廢南陽節度使升襄陽防禦使為山南東道節度使領襄鄧隨唐安均房金商九州 均房金商四州即興平節度所領之上洛四郡也興平節度至元二年始廢不應此時即以四郡隸襄鄧此事之可疑者又攷是年正月以魏仲犀為襄陽山南道節度使五月魯炆自南陽走襄陽除襄鄧十州節度使乾元

二年吳移鎮鄭穎當以史翽代之上元元年翽以軍亂被殺乃除來瑱襄鄧十州節度使據曾吳來瑱傳俱云十州而表稱九州亦未甚合竊意吳爲節度時均房四州未必在襄鄧管內迨來瑱建節之時李奐已移鎮因以四州隸之耳

乾元二年以夔峽忠歸萬五州隸夔州按乾元元年已罷夔峽節度矣此云隸夔州當有脫譌

上元元年荆南節度使兼江南尹是年升荊州爲江陵府江南當作江陵

荆南節度復領澧朗忠峽四州以呂諲爲節度使次

年增領潭岳諸州亦諲所請也

二年廢興平節度使李奐移鎮東川此鎮遂廢

置武關內外四州防禦觀察使卽金商均房四州也

時呂諲等言來瑱得士心難制因別置四州觀察瑱所領止六州寶應元年詔瑱移鎮淮西而以裴莪爲

襄鄧七州防禦使之置淮西十六州節度表在上元二年此事雖不

果行亦宜見於表也

廣德元年升山南西道防禦守捉使爲節度使以張

獻誠爲使

尋降爲觀察使大歷三年獻誠以疾辭位除其弟獻



恭爲節度觀察使非降爲觀察也

大歷元年置邛南防禦使治邛州尋升爲節度使未幾廢置劔南西山防禦使治茂州未幾廢永泰元年劔南節度使郭英乂爲兵馬使崔旰所殺邛州柏茂林等起兵討旰蜀中亂是年以宰相杜鴻漸充山南西道劔南東川等道副元帥兼劔南西川節度使鴻漸卽奏授柏茂林邛州刺史邛南防禦使崔旰茂州刺史劔南西山防禦使未幾又奏遷茂林爲邛南節度而以旰爲西川節度行軍司馬明年鴻漸入朝旰遂除劔南節度矣

建中元年升山南西道觀察使爲節度使 時賈耽爲節度使

貞元十一年西川節度增領統押近界諸蠻及西山八國雲南安撫使 時韋皋爲節度使

元和十年置唐隨鄧三州節度使 以高霞寓爲使十一年廢唐隨鄧節度使是年復置 高霞寓與吳元濟戰敗以袁滋代之改稱彰義軍節度領唐隨鄧三州故云廢也未幾罷滋以李愬代之仍稱唐隨鄧節度

十二年廢唐隨鄧節度使以唐隨鄧三州還隸山南東

道 淮西已平以李愬充山南東道節度襄鄧隨唐復郢均房等州觀察使仍合二鎮爲一

大和六年廢荆南節度使置都團練觀察使 是歲段文昌移鎮西川除崔瑄荆南都團練觀察使不加節鎮

開成三年復置荆南節度使 李石以宰相除荆南節使

大中三年升秦州防禦守捉使爲秦成兩州經略天雄軍使 是年鳳翔節度使李勣奏收復秦州

五年置歸義軍節度使 以沙州刺史張義潮爲之

咸通八年置定邊軍節度觀察處置統押近界諸蠻并統領諸道行營兵馬制置等使 以李師望爲使十一年廢定邊軍節度使 去年師望戰沒以竇滂代之滂亦遁去此軍遂罷

光啟元年升金商都防禦使爲節度兼京畿制置萬勝軍等使是年罷節度 按舊本紀光啟二年六月以楊守亮爲金州刺史金商節度京畿制置使表列於元年誤也其七月守亮除山南西道節度使三年正月又除楊守宗金商節度五月詔守宗權知許州事自是金商不除節度

置武定軍節度使治洋州 舊本紀光啟二年正月以李茂貞為洋州刺史武定軍節度使表在元年亦誤二年升興鳳二州防禦使為感義軍節度使 以楊晟為使晟敗走而滿存代之并領利州

文德元年賜山南東道節度號忠義軍節度 秦宗權將趙德誣以山南東道七州降授節度使并賜軍號德誣卒子匡凝代

置永平軍節度使領邛蜀黎雅四州 以王建為使升彭州防禦使為威戎軍節度使領彭文成龍茂五州 楊晟失興鳳走據文龍成茂四州田令孜以已故

將假威戎軍節度使守彭州

大順二年廢永平軍節度使 王建已得西川即廢此軍而兼其地

景福元年彭州隸龍劔節度 是年王建攻楊晟克之乾寧四年夏感義軍節度曰昭武軍節度 以蘇文建為使治利州

光化元年升昭信軍防禦為節度使 以馮行襲為使置武貞軍節度使領澧朗淑三州 以雷滿為使天祐二年賜昭信軍節度號戎昭軍節度 舊本紀金州焉行襲奏當道昭信軍額內一字與元帥全忠諱

字同乃賜號戎昭軍蓋全忠祖諱信故也

三年忠義軍節度復為山南東道節度 趙匡凝為朱

全忠所攻奔淮南因去忠義之號

廢武定軍節度 馮行襲移鎮匡國軍因併均房入襄

鄧也是時有兩武定軍此所省者均州之武定若洋

州之武定乃王建所有非全忠所能廢

升夔忠涪防禦使為鎮江節度使 此與利闔興文兩

節度皆王建所置

唐書八

唐書九

廿二史攷異四十九

錢大昕學

方鎮表五

至德元載置淮南節度使 以高適為之

領揚楚滁和壽廬舒光蘄安黃申沔十三州治揚州尋

以光州隸淮西 此當書郡名乾元以後乃改稱州

耳東川節度領梓遂等州江東領杭州亦當稱郡名

又按方鎮表弟四是年置淮南西道節度使領義陽

弋陽潁川滎陽汝南五郡義陽即申州也當云尋以

光申二州隸淮西淮南所領止十一州耳

二載置江東防禦使 是歲八月以崔渙爲江東採訪  
防禦使按韋陟傳永王兵起授御史大夫江東節度  
使其與來瑱高澄同盟載書稱淮西節度使瑱江東  
節度使陟淮南節度使澄是江東置節度亦在至德  
二載表何以不書

乾元元年置浙江西道節度兼江寧軍使治昇州尋徙  
治蘇州 按舊本紀是年三月江南置節度使不言  
治所亦不知除授何人十二月以昇州刺史韋黃裳  
爲蘇州刺史浙西節度使此浙西節度治蘇州之證  
黃裳旣自昇移蘇或在昇時已領節度故表云治昇

州徙治蘇州也乃次年六月顏真卿除昇州刺史充  
浙江西道節度使上元元年正月侯令儀除昇州刺  
史充浙江西道節度兼江寧軍使則是治蘇州未幾  
仍治昇州表旣闕而不書而表云乾元二年廢浙江  
西道節度者亦未足深信也

置浙江東道節度使治越州 乾元二年除呂延之上  
元元年除趙良弼 置洪吉都防禦團練觀察處置使兼莫徭軍使 按地  
理志洪州有南昌軍乾元二年置未見有莫徭軍  
三年沔州隸鄂岳節度 是年置鄂岳都團練使非節

度也永泰元年表云蘄黃二州隸鄂岳節度其失與此同

上元二年浙江西道觀察使徙治宣州罷領昇州是年正月除季廣璞宣州刺史充浙江西道節度使時劉展初平省昇州入宣潤二州故移節度治宣州不云改爲觀察也至大歷初韋元甫李栖筠始稱浙西團練觀察使

廣德二年廢東川節度以所管十五州隸西川節度時嚴武爲劔南節度使兼領兩川

洪古都防禦團練觀察使更號江南西道時張鎰爲

### 觀察使

大歷元年復置劔南東川節度使杜鴻漸以副元帥領西川節度仍分置東川節度令山南西道張獻誠兼領之

浙江西道觀察使罷領宣歙二州此後觀察使韋元李栖筠李涵李道昌皆帶蘇州刺史蓋徙治蘇州而表亦失書  
復置宣歙池等州都團練守捉觀察處置使以陳少游爲之

二年廢劔南東川節度置都防禦觀察使兼靜戎軍使

治遂州尋復置節度使治梓州 是年除遂州刺史  
杜濟劔南東川節度觀察等使表云廢節度復置蓋  
杜濟先除防禦而後進節度也其明年鮮于叔明代  
濟爲東川節度使遂州刺史則其時尚治遂州未幾  
移治梓州乃兼梓州刺史也

五年廢浙江東道節度使置都團練守捉及觀察處置  
等使 是年浙東觀察使薛兼訓移鎮河東以陳少  
游爲浙江東道團練觀察使俱不稱節度  
六年廢福建節度使置都團練觀察處置使 按舊本  
紀大歷四年已有福建觀察使李承昭

十四年合浙江東西道置都團練觀察使 表不著治  
所蓋仍治蘇州也

廢宣歙池觀察使置團練使 按舊本紀是年六月罷  
宣歙池鄂岳沔二都團練觀察使此置字衍文

罷鄂州觀察防禦使 防禦當作團練

建中元年分浙江東西道都團練觀察使爲二道 浙  
西觀察蓋以韓滉爲之

二年合浙江東西二道觀察置節度使治潤州尋賜號  
鎮海軍節度 是年五月加蘇州刺史韓滉檢校禮  
部尚書潤州刺史充鎮海軍節度浙江東西道觀察

處置等使始自蘇州徙治潤州

四年升江南西道都防禦團練觀察使爲節度使

嗣曹王皋爲之舊本紀在三年十月

興元元年升壽州團練使爲都團練觀察使領壽濠廬

三州以張建封爲之濠當作豪

貞元元年廢江南西道節度使復置都團練觀察使

曹王皋移鎮荆南以鄂岳觀察使李謙代之不加節度

三年分浙江東西爲二道復置浙江西道都團練觀察使領潤江常蘇杭湖睦七州治蘇州是歲韓滉卒

不除節度以白志貞爲潤州刺史浙西觀察使皇甫

政爲越州刺史浙東觀察使表不云罷鎮海軍節度

者史文之漏也其下一格當云復置浙江東道都團

練觀察使領某某州治越州而今無其文又是年復

置宣歙池觀察使以劉贊爲之而表亦無之皆傳寫脫之

也此後白志貞王緯李若初李錡除浙西觀察俱帶

潤州刺史則其時尚治潤州表云治蘇州亦誤

四年廢壽州都團練觀察使爲團練使張建封遷徐

泗豪節度使因去都團練之號仍爲本州團練也

十五年置安黃節度觀察使治安州以伊慎爲使十



九年賜軍號奉義以寵之

十六年置舒廬滁和四州都團練使 按舊本紀元和

二年停舒廬滁和四州團練使表既書置團練於前

而不書罷團練于後亦疏漏也

元和元年罷奉義軍節度使升鄂岳觀察使為武昌軍

節度使增領安黃二州 是歲伊慎入朝因除鄂岳

沔觀察使韓皋為鄂岳蘄安黃等州節度使兼領之

而省安黃節鎮也

順宗實錄永貞元年五月以韓皋為鄂岳觀察武昌軍節度使似武

昌軍先已有之

二年升浙江西道都團練觀察使為鎮海軍節度使

時李錡由浙西觀察進節度使錡反以李元素代之

四年廢浙江西道節度使復置觀察使 按元和三年

韓皋自武昌移鎮海軍節度浙江觀察使仍帶節度

其五年坐事奪一月俸料史但稱浙西觀察蓋已罷

節度使額矣

五年罷武昌軍節度使置鄂岳都團練觀察使 按元

和三年韓皋移鎮當以郝士美代之五年士美授河

南尹而呂元膺代之紀傳稱士美為鄂岳觀察使似

元和三年以後武昌已無節度之名

六年浙西觀察罷領鎮海軍使宣歙團練使罷領采石

軍使 按是年十月詔諸道都團練使足修武備以靖一方而別置軍額因加吏祿亦既虛設頗為浮費其潤州鎮海軍宣州采石軍越州義戎軍當作洪州南昌軍福州靖海軍地理志作寧海軍等使額竝宜停表惟載鎮海采石二軍餘皆無之

大和九年復置鎮海軍節度使數日廢既而復置踰月又廢 按大和八年十一月以李德裕為鎮海軍節度使浙江西道觀察等使九年四月德裕為太子賓客分司東都而除賈餗浙西觀察代之此一置而一罷也是月賈餗拜相以路隨為鎮海軍節度浙西觀

察等使七月隨卒以崔郾為浙西觀察使此再置而再罷也數日當為數月傳寫之譌

大中元年復置武昌軍節度使 是年宰相盧商出為鄂岳觀察使加節鎮以寵之狀敬宗寶歷初牛僧孺亦以宰相出為武昌軍節度表却闕而不書

二年罷武昌軍節度使 按盧商鎮武昌至十二年始以疾求代而張毅夫代之則武昌節度之罷似當在十二年以後表乃云二年罷節度四年復置六年又罷所未詳也

咸通三年置鎮海軍節度使 按宰相表咸通四年五

月杜審權檢校吏部尚書同平章事鎮海軍節度使  
表書置節度於三年舊本紀在五年又不書節度皆  
互異

八年廢鎮海軍節度使 審權除尚書左僕射以楊收  
為浙西觀察使代之

六年升江南西道團練觀察使為鎮南軍節度使 以  
嚴譔為之

十一年置鎮海軍節度使 宰相表是年九月曹確檢  
校司徒同平章事鎮海軍節度使舊本紀不書節度  
而書觀察又乾符元年二月趙隱檢校兵部尚書鎮

海軍節度使舊本紀不書節度而書都團練觀察至  
五年除高駢乃稱節度使

中和三年升浙江東道觀察使為義勝軍節度使 以  
劉漢宏為之

光啟三年改義勝軍節度為威勝軍節度 時董昌逐  
劉漢宏自稱浙東觀察使因改軍號寵之

文德元年置忠國軍節度使治湖州 以李師悅為之  
復置武昌軍節度 時杜洪據鄂州自稱留後因以武  
昌軍節授之

龍紀元年置杭州防禦使 以錢鏐為之

復升江南西道觀察使爲鎮南軍節度使 以鍾傳爲  
之

景福元年置龍劔節度使領龍劔利闔四州 以楊守  
貞爲之

升宣歙團練使爲寧國軍節度 以楊行密爲使據行

密傳及通鑑則寧國軍之置乃在大順元年與此不  
合行密已得淮南表田頔爲寧國軍節度守宣州

二年升武勝軍防禦使爲都團練蘇杭等州觀察使尋

廢徙鎮海軍節度使治杭州 是歲閏五月以武勝  
防禦使錢鏐爲蘇杭觀察使九月以鏐爲鎮海軍節

度使鎮海軍本在潤州今以杭州刺史兼之

乾寧三年改威勝軍節度爲鎮東節度 是歲錢鏐討

董昌克之朝廷除宰相王搏爲威勝軍節度使旣而

兩浙吏民上表請以鏐領浙東乃改軍名鎮東令鏐  
兼領之

四年置武信軍節度使領遂合昌渝瀘五州 王建旣

得東川析置此鎮以其養子宗佶爲節度

升福建都團練觀察處置使爲威武軍節度使 以王  
審知爲之据審知神道碑蓋兼領三司發運等使

天復三年廢寧國軍節度使復爲都團練觀察使 楊

行密攻田頔殺之以臺濛為宣州觀察使  
天祐二年置欽婺衢睦四州都團練觀察處置使  
此楊行密所置以陶雅為之

方鎮表六

天寶十載置安南管內經略使領交陸峯愛驩長福祿  
芝武峩演武安十一州 自天寶至至德有郡無州  
表當書郡名不當書州名也又按地理志演州貞觀  
中廢廣德二年析驩州復置則天寶中不當有演州  
志與表當有一誤

至德元載升五府經略討擊使為嶺南節度使 唐會

要至德二年正月賀蘭進明除嶺南五府經略兼節  
度使嶺南自此始有節度之號表列於元載與會要  
小異進明亦未之任也

廣德二年改安南節度使為鎮南大都護都防禦觀察  
經略使 按地理志至德二載改安南都護府曰鎮  
南都護府蓋肅宗惡祿山凡郡縣名有安字皆易之  
不應至是乃改鎮南也

大歷元年更鎮南曰安南 据地理志在三年  
四年湖南觀察使徙治潭州 舊本紀是年二月以湖  
南都團練觀察使衡州刺史韋之晉為潭州刺史因

是徙湖南軍于潭州

置辰溪巫錦業五州都團練守捉觀察處置使 按舊

本紀大歷十年罷辰錦溪獎五州經略使復隸黔中  
表却失書獎州卽業州也巫州後改澉州

十二年置黔州經略招討觀察使 以李國清爲之

元和十五年廢邕管經略使 以南蠻傳攷之蓋罷邕  
管入容管以嚴公素爲容管經略統之

長慶二年復置邕管經略使 以崔結爲之

咸通三年分嶺南節度爲東西道改嶺南節度爲嶺南  
東道節度 時韋宙爲嶺南節度使改稱東道據通鑑

舊本紀謂是年以邕管經略使鄭愚充嶺南東道節  
度使以宋戎爲嶺南西道節度皆非也

升邕管經略使爲嶺南西道節度使增領蒙州 蒙當

爲象字之譌據通鑑及舊本紀是時嶺南西道增領

龔象藤巖四州表祇載象州未免漏略矣嶺南分鎮

之議起於邕管經略使蔡京朝廷因以嶺南西道節

度授之其年京爲軍士所逐以鄭愚代之明年愚請

代乃除康承訓五年承訓罷又除張茵

七年升安南都護爲靜海軍節度使 以高駢爲之

中和三年升湖南觀察使爲欽化軍節度 閔頊自觀

察加節度使通鑑作閔勗

光啟元年改欽化軍節度爲武安軍節度使 通鑑在

二年按僖宗紀光啟二年淮西將黃皓殺欽化軍節

度使閔勗昭宗紀景福二年鄧處訥陷潭州欽化軍

節度使周岳歿之至乾寧元年始稱武安軍節度使

鄧處訥則是武安軍之名當改于乾寧元年矣

大順元年賜黔州觀察使號武泰軍節度 以王建肇

爲之黔中置節度始於是年而通鑑稱至德元載升

五溪經略使爲黔中節度似未朕也舊史僖宗紀光

啟元年有保鑾都將兼黔中節度觀察使曹誠三年

有保鑾都將黔中節度觀察使李鋌

乾寧二年賜嶺南東道節度號清海軍節度 是歲以

嗣薛王知柔爲清海軍節度使知柔薨徐彥若代之

彥若卒遂爲劉隱所據

四年升容管觀察使爲寧遠軍節度使是歲特置此軍

以河東大將蓋寓遙領節度使天復元年以董彥弼

爲節度亦不之鎮

光化三年升桂管經略使爲靜江軍節度使 按昭宗

紀乾寧三年安州防禦使宣晟陷桂州靜江軍節度

使周元靜部將劉士政歿之乾寧紀元在光化之前

似靜江軍號先已有之

天復三年武泰軍節度徙治涪州 黔中時為王建所

併以養子宗本為武泰留後宗本言黔州地多瘴癘

請徙治涪州

唐書九

唐書十

廿二史攷異五十

錢大昕學

宗室世系表上

代祖元皇帝諱曷 代祖即世祖避太宗諱也諸紀傳

仍書世祖無定例高祖紀曷作昞

宗室世系表下

太宗十四子長曰恒山愍王承乾 太宗諸子傳作常

山愍王

目錄同李適之李載義傳俱云恒山愍王

按地理志鎮州常山郡

本恒州恒山郡元和十五年避穆宗名更傳稱常山

愍王者後人追改之也

宰相世系表范陽李氏自云常山愍王之後

顏杲



卿安祿山史思明諸傳稱常山太守皆從追改之名  
惟明皇紀書恒山郡太守顏杲卿此當時本稱也藩  
鎮鎮冀傳自李寶臣至王承宗皆書恒州自王廷湊  
以後乃書鎮州甚得史法惟載李絳鎮州世相繼一  
語亦當作恒字偶未檢照耳薛稷傳伯陽子談尚恒  
山公主公主傳作常山公主談亦作譚亦一從本稱一從  
改名

定著三十九房終唐之世有宰相十一人郇王房有林  
甫回鄭王房有程石福小鄭王房有勉夷簡宗閔恒  
山王房有遼之吳王房有峴惠宣太子房有知柔

按表書宰相之例必云相某宗如程字表臣相敬宗  
石字中玉相僖宗之類是也獨太子太傅同平章事  
福不云相僖宗而宰相表亦無福名攷福本傳初拜  
劍南西川節度使同中書門下平章事後爲山南東  
道節度使以勞檢校司空同中書門下平章事蓋唐  
自中葉以後節鎮加宰相銜者極多謂之使相亦稱  
外宰相非真宰相也鄭畋傳陳敬瑄欲以官品居宰  
相上畋曰外宰相安得論品乎  
卒不肯處其下方技桑道茂傳李鵬爲盛唐令道茂曰君位  
止此而冢息位宰相次息亦大鎮子孫百世鵬卒後  
石至宰相福歷七鎮諸孫通顯云此可證福之未嘗

入相而世系表以福列宰相十一人之數誤矣又攷定州刺史房有麟相肅宗此則十一人之一而計日轉不及焉或當數而不數或不當數而數甚矣其舛也

宰相世系表一上

裴氏 宰相十七人南來吳有耀卿行本坦中眷有光庭遵慶樞贄 按僖宗朝宰相坦系出中眷非出南來吳此必因南來吳裴亦有名坦者故致誤爾南來吳之裴坦官太平令未嘗任宰相也

劉氏 宰相十二人彭城房有滋文靜瞻尉氏房有仁

軌瑒臨淮房有禕之南陽房有洎廣平房有祥道景先從一丹陽房有鄴南華房有晏河南劉氏宰相一人崇望 按宰相表有劉幽求相睿宗元宗表失載其世系

宰相世系表一下

陳氏 齊王建爲秦所滅三子昇桓軫軫楚相封潁川侯因徙潁川稱陳氏生嬰秦東陽令史嬰生成安君餘 陳祖范曰按戰國策軫本秦人史記軫與張儀俱事秦惠王惠王在位日久歷四王而後至始皇始皇二十五年始滅齊遷王建於共年代相去若此安

有建生軫之理邪嬰之爲衆推戴也其母云自吾爲  
汝家婦未聞汝先古有貴者若嬰是楚相子齊王後  
母言不符矣嬰與餘同時起兵嬰東陽人餘大梁人  
一屬項一佐趙安有一家父子之理  
準字道基晉太尉廣陵元公生伯珍建興中渡江居曲  
阿新豐湖生匡二子赤松世達 按陳書南史本紀  
俱云準生匡匡生達此表以匡爲準孫與前史異世  
達單稱達者疑避唐諱  
文讚三子談先霸先休先談先梁東宮直閣將軍義興  
昭烈公 按陳書高祖之兄名道談不名談先道談

始贈長城縣公繼贈義興郡公改始興郡王史從其  
後封當云始興王不當云義興公也

宰相世系表二上

杜氏 秀二子果皎皎生徽隋懷州長史豐鄉侯生吒

淹 吒卽如晦之父也

按舊唐書杜如晦傳曾祖皎 當是高祖周

贈開府儀同三司遂州刺史高祖徽 當是曾祖周河內大

守祖果周溫州刺史入隋工部尚書義興公周書有

傳父咤隋昌州長史新書如晦傳亦云祖果有名周

隋閒是果爲如晦之祖審矣表乃以果與皎爲昆弟

是不狀也周書杜杲傳云祖建魏輔國將軍贈豫州

刺史父皎儀同三司杲果字形相似又是雙聲故陳果仁一作杲仁薛仁杲一作仁果此杜杲卽杜果也其祖名建與唐表傳亦互異又攷舊書淹傳祖業周豫州刺史父徵河內太守似淹與吒卽吒字非親昆弟史文之乖刺如此

元穎元絳下空一格 按審權卽元絳子中間不應空一格又據舊史審權與蔚均爲元絳之子表別列蔚於元絳之左且比元絳超一格亦恐誤也

杜氏宰相十一人如昫淹元穎審權讓能黃裳佑侖正倫鴻漸暹 按宰相表有杜景佺相武后

隴西李氏宰相十人武陽房有迴秀姑臧大房有義琰蔚揆逢吉丹陽房有靖昭德又有道廣元紘晟趙郡李氏宰相十七人南祖有游道藩固言日知敬元紳元素東祖有絳嶠珽西祖有懷遠吉甫德裕遼東有泌江夏有鄒礩漢中有安期 按高宗朝宰相李義府自言系出趙郡文宗朝宰相李訓揆之族孫武宗朝宰相李讓夷系出隴西又武后時有宰相李景讎表失載宰相表又有李忠臣李懷光二人皆叛臣故不敘其系

宰相世系表二中

攷異

唐書十

五

太原王氏 霸字孺仲居太原晉陽生成咸十九世孫  
澤字季道鴈門太守 按王霸被徵在後漢之初而  
季道兄弟總角爲郭林宗所知林宗卒於建寧初距  
光武初僅百三十四年而自霸至澤傳世二十此理  
之必無者

昶二子渾濟渾晉錄尚書事京陵元侯生湛字處沖汝  
南內史 按晉書湛爲渾之弟濟則渾之子故濟稱  
湛爲叔此表差誤

王氏 宰相十三人琅邪有方慶與搏璿太原有溥縉  
珪涯峻播鐸京兆有徽德真 按宰相表有王本立

王及善皆相武后表闕其世系華陰王氏有孝傑已  
見於表而計目不及何踈漏至此

魏氏 萬生芒季季生武子雙雙生悼子悼子生昭子  
絳 按春秋傳絳謚莊子其謚昭者乃曼多也表据  
史記與左氏異

潛字蘊華子敖 沈炳震曰舊書魏謩傳潛于敖甥後  
琮爲相潛歷顯官琮謂于琮敖之子於潛爲中表舊  
書傳誤以于作子表遂列敖於潛下以舅爲子誤之  
甚也

温氏 大雅字彥宏彥博字大臨彥將字大有 按本

傳大有字彥將歐陽公集古錄疑其事謂兄弟義當一體而名大者字彥名彥者字大不應如此洪景伯始攷正之云顏魯公作顏勤禮碑敘顏溫二家之盛云思魯大雅俱仕東宮愍楚彥博同直內史游秦彥將皆典祕閣是彥博彥將皆以彥配名惟大雅異復攷大雅撰唐創業起居注書隋煬帝遣使夜至太原溫彥將宿于城西門樓上首先見之報兄彥宏馳以啟帝帝方卧聞而驚起執彥宏手据此則溫氏昆弟皆以彥爲名明矣而此書首題大雅奉勅撰又顏碑亦云大雅其故何耶蓋唐之孝敬皇帝諱宏如徐有功本名宏敏緣避諱遂以字行大雅生在孝敬之前後世追改之故稱其字爲名如晉書不云劉淵而云劉元海不云石虎而云石季龍也

宰相世系表二下

褚氏 宋共公子段字子石食采於褚其德可師號曰褚師 此俗生傳會之詞不足信褚師當是以官爲氏鄭公孫黑請以印爲褚師杜預云褚師市官是也 衛有褚師聲子則褚師一官宋衛鄭皆有之 漢梁御史中丞中書侍郎 南史漢作湮褚亮傳作湮 未知誰是

象太子舍人 舊書褚亮傳象作蒙子見褚亮碑石刻

正作蒙則象為誤文也

崔氏 仁師相太宗高宗 按宰相表貞觀二十二年

正月中書舍人崔仁師為中書侍郎參知機務二月除各流連州自後未有入相之事本傳但云永徽初授簡州刺史而已此表高宗二字衍文也

宰相二十三人鄭州有元綜鄆陵有知溫南祖有昭緯慎由允管神基清河大房有龜從小房有彥昭羣鄆青州房有圓安平房有仁師滎博陵大房有元暉損鉉元式第二房有拱遠祐甫植第三房有日用 按

表博陵大房有沆字內融相僖宗博陵二房有安上字敦禮相高宗造字元宰相德宗皆失舉其目又元暉孫渙明皇西狩拜門下侍郎同中書門下平章事表但云門下侍郎不云相元宗亦誤也崔氏宰相實二十七人

宰相世系表三上

韓氏 宰相四人瑗休滉宏 按韓滉傳滉為浙江東西觀察使鎮海軍節度使貞元元年加檢校左僕射同中書門下平章事江淮轉運使宰相表不列滉各而本紀亦不言加滉平章事蓋方鎮加宰相不得為

真宰相也韓氏宰相但可云三人不當以混充數

任氏宰相一人雅相按宰相表有任知古相武后

宰相世系表三下

上官氏楚王子蘭為上官大夫以族為氏按史記

上官大夫乃靳尚非令尹子蘭

樂氏樂呂孫喜喜生司城子罕據左氏傳子罕即

樂喜字表誤以為二人

孫氏宰相二人清河有茂道武邑有偃按宰相表

有孫元亨相武后

趙氏宰相四人仁本憬彥昭宗儒按宰相表有趙

隱相懿宗

宰相世系表四上

韋氏月將以直諫歿中宗朝按世系表之例書官

位不書事狀而韋月將以直諫歿中宗朝崔泰之以

職方郎中預平二張崔諤之以商州司馬預平韋后

功第二盧鼎與起居郎蘇楷羅袞請改昭宗諡曰襄

此四事者特書于表雖寓褒貶之旨朕一代忠姦當

褒貶者不獨此四人且月將事已見武三思尹思貞

宋璟傳泰之諤之見其父知溫傳蘇楷請改諡事亦

見昭宗紀如增盧鼎羅袞二人名於紀中則此文皆



可刪也崔璆相黃巢此何足齒及而表亦書之若云  
以此示貶則唐臣之仕于安史泚巢者不少矣獨書  
璆一人亦非例也崔璆鄭之子其相賊事當附見鄭傳唐彥謙號鹿門  
先生不書於本傳而書於表亦失史法

宰相十四人平齊公房有保衡宏敏東眷有方質逍遙

公房有貫之處厚待價鄧公房有巨源南皮公房有

見素駙馬房有溫龍門公房有執誼襄陽當云小逍遙公房

有思謙嗣立京兆有貽範昭度據表鄧公房尚有

安石相武后中宗睿宗小逍遙公房尚有承慶相武

后實十六人又宰相表有韋琮相宣宗此表失載

郭氏 平王東遷奪號叔之地與鄭武公楚莊王起陸

渾之師伐周賁王滅號於是平王求號叔裔孫序封

於陽曲號曰郭公 按楚莊不與平王同時春秋莊

公二十四年郭公公羊以為失地之君則其時郭已

亡矣楚莊伐陸渾之戎又在其後六十九年

武氏 攸宜冬官尚書 外戚傳終右羽林大將軍與

表異武氏子弟封王者惟攸歸攸止載德三人先歿

不及削封故表著之餘皆書所降之封於例當矣乃

攸宜自建安王降息國公攸緒自安平王降巢國公

攸寧自建昌王降江國公表并公爵亦不書重規已

降封鄆國公矣而表仍書高平王懿宗已降封耿國公矣而表仍書河間王當作河內崇訓已降封鎬國公矣而表仍書高陽王延義已降封魏國公矣而表仍書嗣魏王此又義例之自相違反者也

攸望少府監蔡公按外戚傳降封葉國公舊唐書作

鄴國

嗣宗蒲州刺史管公外戚傳終司衛卿

延祚光祿少卿鄆公按舊書外戚傳延祚本咸安郡

王降封咸安郡公與此互異且新舊傳竝云重規降封鄆國而表屬之延祚恐誤

宰相五人攸暨攸寧元衡三思承嗣宰相表又有武

仕方相武后吳氏糾謬嘗譏其脫漏以予攷之仕方

本韋氏賜姓武表雖不書未爲大失但本表元有兩

例李世勣本徐氏表從徐氏不從李氏此一例也元

載本景氏表不別出景氏而于元氏世系之後云大

歷宰相元載本景氏故不著又一例也此仕方者既

不入韋氏又不附書武氏之後於例亦未當也

宰相世系表四下魏書盧魯元昌

豆盧氏魯元後魏太保襄城公按魏書盧魯元昌

黎徒河人曾祖副鳩仕慕容垂爲尚書令臨澤公祖

父竝至大官不言慕容氏之族且是盧氏非豆盧氏  
豆故沈炳震極詆此表之謬今檢表稱慕容廆弟西平  
王運生尚書令臨澤敬侯制制生右衛將軍北地愍  
王精降後魏北人謂歸義爲豆盧因以爲氏二子醜  
勝勝子魯元是尚書令臨澤敬侯制乃魯元之曾祖  
也制與副字形相似官與封號又同唯公侯字小異  
明是一人表但脫去鳩字耳慕容出於徒河而魯元  
亦稱昌黎徒河人其爲慕容之支庶亦無可疑魏初  
改姓豆盧猶之改禿髮爲源氏其單稱盧者必是孝  
文遷洛時改代北複姓因去豆存盧故魏收修史仍  
之也宇文泰據關中悉復代北氏族之舊故豆盧寧  
仍稱本氏沈氏謂魯元自姓盧氏與豆盧絕不相蒙  
斯不然矣晉書後燕載記稱慕容麟以兵劫北地王  
精謀率禁旅弑主精以義距之麟怒殺精是精無降  
魏之事北史豆盧寧傳云燕北地王精之後高祖勝  
以皇始初歸魏賜姓豆盧氏蓋得其實又據北史寧  
父萇是勝之曾孫而表以萇爲醜之孫疑亦當從傳  
也

豆盧氏宰相一人欽望 按宰相表有豆盧瑑相懿宗  
朱氏 宰相一人敬則 按宰相表有朱朴相昭宗

宰相世系表五上

鄭氏 曄生中書博士茂一名小白七子白麟嗣伯叔

夜洞林歸藏連山幼麟因號七房鄭氏大房白麟後

絕第三房叔夜後無聞 按魏書鄭羲字幼麟即幼麟

父曄生六子羲五兄長白麟次小白次洞林次叔夜

次連山元和姓纂曄生七子曰白麟小白叔夜洞林

歸藏連山幼麟號七房鄭氏魏書不及歸藏意其後

早絕故乎唐表所載七子惟嗣伯乃小白之子其餘

六人乃小白昆弟而表俱以為小白子誤矣白麟有

孫道慆為隨郡太守叔夜子孫亦多顯者表一以為

絕一以為無聞似未可信

宰相九人北祖有珣瑜覃朗餘慶從讜延昌南祖有細

滎陽有畋滄州有愔 按宰相表有鄭肅相武宗鄭

縈相昭宗吳氏糾謬數世系表脫漏者惟舉縈不及

肅亦攷之未審也

宰相世系表五下

渾氏 潭隋左玉鈐衛大將軍 按回紇傳太宗以阿

貪支為右領軍衛大將軍皋蘭州刺史阿貪支歿子

回貴嗣回與迴同此表云潭者即阿貪支也貪潭音相似

阿貪支受官於太宗時表不書唐官而書隋官亦非

是

元慶鎮國大將軍檢校禮部尚書 按回紇傳回貴  
子大壽嗣表以元慶為迴貴子大壽為元慶子多元  
慶一世攷路巖撰渾侖神道碑敘其先世正與表同  
則回紇傳誤也

鎬義武軍節度使 按鎬之子侑字復貴咸通初為義  
昌軍節度使路巖撰神道碑載文苑英華表何以失

書

獨孤氏 出自劉氏後漢世祖生沛獻王輔輔生釐王

定定生節王丐後漢書丐子廙洛陽令生穆穆生度

遼將軍進伯擊匈奴兵敗被執囚之孤山下生尸利  
單于以為谷蠡王號獨孤部尸利生烏利二子去卑  
猛 沈炳震曰河南劉氏世系云漢高祖以宗女妻  
冒頓其族貴者皆從母姓因為劉氏左賢王去卑裔  
孫庫仁為南部大人此又以去卑為沛獻王之後未  
詳何據大昕按魏書匈奴劉聰傳晉書劉元海載記  
俱云以母姓為氏且匈奴左右賢王皆以子弟為之  
去卑既為右賢王魏書鐵弗劉武必係近族此表云  
出於沛獻王者妄也據魏書劉武傳稱左賢王去卑  
之孫北部帥劉猛之從子則猛當是去卑子表以去

五  
卑與猛為昆弟亦非也魏書官氏志載神元皇帝時  
餘部諸姓內入者有獨孤氏後改為劉氏周書獨孤  
信傳其先伏留屯者為部落大人與魏俱起是獨孤  
與匈奴非一種不當牽混為一

雞田李氏一本河南部落稽阿跌之族至光進賜姓李  
按此表述世系甚略良臣之先世與光進光顏之  
子表皆失載今攷良臣神道碑稱大父賀之貞觀初  
率部落來歸授雞田州刺史父延豐襲雞田州刺史  
以功加開府儀同三司良臣襲刺史肅宗立靈武率  
所部馳詣行在戰有功拜開府儀同三司朔方先鋒

左肋兵馬使贈太保生三子長光珙朔方都將次光  
進次光顏又光進碑云嗣子季元河東衙前兵馬使  
檢校太子賓客次燧元陳許節度押衙檢校太子賓  
客次毅元次綬元太原尉次宗元次吉元光顏碑云  
嗣子昌元鄜坊丹延節度使檢校戶部尚書次扶元  
左龍武軍大將軍次繼元太常主簿次誠元湖州司  
馬次建元河東節度右都押衙檢校國子祭酒次興  
元衢王友次榮元右羽林軍統軍檢校左散騎常侍  
次奉元清源丞次播元河東節度押衙左門槍兵馬  
使次安元右軍先鋒兵馬使檢校右驍衛將軍則李

氏五世譜牒犁狀可考故史家不可以不博聞也

唐書十

唐書十一

廿二史攷異五十一

錢大昕學

后妃傳

文德皇后長孫氏

父晟字季

隋書及宰相世系表

作季晟

則天皇后武氏

始士獲娶相里氏生子元慶元爽又

娶楊氏生三女伯嫁賀蘭越石早寡封韓國夫人仲

卽后季嫁郭孝慎前死楊以后故寵日盛徙封榮國

始兄子惟良懷運

當云士獲兄子

與元慶等遇楊及后禮薄

后銜不置及是元慶爲宗正少卿元爽少府少監惟

良司衛少卿懷運淄州刺史它日夫人置酒酣謂惟  
良曰若等記疇日事乎今謂何對曰幸以功臣子位  
朝廷晚緣戚屬進憂而不榮也夫人怒諷后偽爲退  
讓請惟良等外遷無示天下私由是惟良爲始州刺  
史元慶龍州元爽濠州俄坐事死振州元慶至州憂  
死韓國出入禁中一女國姝帝皆寵之韓國卒女封  
魏國夫人欲以備嬪職難於后未決后內忌甚會封  
泰山惟良懷運以岳牧來集從還京師后毒殺魏國  
歸罪惟良等盡殺之氏曰蝮以韓國子敏之奉土護  
祀初魏國卒敏之入弔帝爲慟敏之哭不對后曰兒

疑我惡之俄貶死楊氏徙鄴衛二國咸亨元年卒  
按外戚傳始士護娶相里氏生子元慶元爽又娶楊  
氏生三女元女妻賀蘭氏早寡季女妻郭氏不顯士  
護卒後諸子事楊不盡禮銜之后立封楊代國夫人  
進爲榮國后姊韓國夫人於時元慶已官宗正少卿  
元爽少府少監兄子惟良衛尉少卿楊諷后上疏出  
元慶等於外以示退讓由是元慶斥龍州元爽濠州  
惟良始州元慶死元爽流振州乾封時惟良及弟淄  
州刺史懷運與岳牧集泰山下於是韓國有女在宮  
中帝尤愛幸后欲并殺之卽導帝幸其母所惟良等



上食后寘堇焉賀蘭食之暴死后歸罪惟良等誅之  
諷有司改姓蝮氏絕屬籍元爽緣坐死家屬投嶺外  
后取賀蘭敏之爲士護後賜氏武襲封擢累左侍極  
蘭臺太史令敏之韶秀自喜烝於榮國挾所愛佻橫  
多過失榮國卒后出珍幣建佛廬徼福敏之乾匿自  
用云云后疊數怒至此暴其惡流雷州表復故姓道  
中自經死二傳之文大略相同后妃傳稱楊氏由榮  
國夫人徙鄴衛二國外戚傳但稱榮國不云徙封其  
不同一也外戚傳元爽以惟良事緣坐死后妃傳先  
云元爽坐事死振州後及后毒殺魏國事似元爽別

坐他事誅其不同二也據外戚傳賀蘭敏之死在楊

氏卒之後后妃傳敏之死在楊氏卒之前

魏國卒于乾封元年

在咸亨改元前四年此傳云俄取死則爲時未久不得遲至四載

其不同三也外戚

傳后取賀蘭敏之爲士護後當云韓國子而不書者  
漏也惟良懷運皆士護兄士讓之子兩傳但稱兄子  
則嫌於后之兄子亦漏也后妃傳一云夫人置酒酣  
再云夫人怒以上文攷之后母由代國夫人徙封榮  
國后姊亦封韓國夫人當書姓或書封號以別之不  
當但稱夫人也

敬業南度江取潤州殺刺史李思文曲阿令尹元貞戰

死 元貞河間人贈潤州刺史諡曰壯舊史入忠義傳

前鋒左豹韜果毅成三朗為唐之奇所殺 三朗幽州人贈左監門將軍諡曰勇舊史入忠義傳三朗舊史作郎蓋宋人避諱缺筆書朗為朗因譌為郎耳

春官尚書李思文 此又一思文

尊周文王為文皇帝號始祖妣曰文定皇后武王為康皇帝號睿祖妣姜曰康惠皇后 按武后紀追尊四十四代祖平王少子武曰睿祖康皇帝妣姜曰康惠皇后非武王也吳氏糾謬但云二說不同今斷以傳

為誤

元宗貴妃楊氏 於是嶺南節度使張九章 按方鎮表至德元載始置嶺南節度使此時似無節度之名章敬皇后吳氏 負姆嫌陋更取宅宮兒以進 此事舊史所無新史采柳氏舊聞增入其實無稽之談也唐會要代宗以開元十四年十月十三日生其時肅宗未為皇太子

宗室傳

畢王璋生二子曰韶曰孝基 按世系表以孝基入畢王房韶入雍王房又於永安壯王孝基下云嗣王道

立以雍王繪男韶次子高平公繼則韶非畢王子明  
永安壯王孝基曾孫涵贈太子太保 唐會要諡曰元  
雍王繪子贄追爵河南王 唐會要贈禮部尚書諡曰  
德宗室世系表作長平王  
淮南壯王道元 宗室世系表及會要俱云淮陽王此  
云淮南恐誤傳云壯王而會要作忠未詳孰是  
長平肅王叔良 唐會要叔良諡兩見一云贈左衛大  
將軍諡曰肅一云贈太子太保諡曰靖蓋傳聞異詞  
仁杲內史令翟長孫 仁杲傳作長孫

長樂郡王幼良六世孫回別傳 按回傳云新興王德

良六世孫世系表又列於長平王叔良下

襄武郡王琰字仲寶 世系表作惟寶

河間元王孝恭子崇義晦 世系表晦上亦有崇字

淮安靖王神通十一子得王者七人道彥孝譽孝同孝

慈孝友孝節孝義 按本傳道彥封膠東王孝譽高

密王舊書作孝同淄川王孝慈廣平王孝友河間王

孝節清河王孝義膠西王後皆降封公世系表孝友  
止稱尚書左丞無封號其封河間郡公者乃孝本也

未知孰是

孝銳不得封有子齊物顯 世系表孝銳子恆農太守

璟璟子刑部尚書齊物則齊物乃孝銳之孫

孝節曾孫暲 按世系表暲乃孝節之孫

世祖四子長曰澄次湛次洪次高祖神堯皇帝 世系

表代祖

卽世祖

四子長高祖次梁王澄次蜀王湛次漢

王洪與傳互異

梁王澄蚤薨無嗣 世系表梁王澄子有彭城王士衍

江東郡王世證衡山郡王世訓三人又以蜀王第二

子博又繼豈諸子薨絕而後以博又嗣之乎狀澄既

有三子不得云蚤薨矣博又傳亦不言出繼梁王事

蓋表傳之文多不相應

高祖諸子傳

衛懷王元霸以宗室西平王瓊子保定嗣 世系表作

平原王瓊

鄭惠王元懿十子長子璿嗣王為鄂州刺史 按世系

表元懿止九子無名璿者嗣王乃遂州刺史璜也武

后紀亦稱嗣鄭王璿

號莊王鳳中宗以鳳孫邕嗣王 唐會要邕贈荊州人

都督諡曰景

嗣魯王道堅薨贈禮部尚書 唐會要諡曰忠

玄異

弟道遂封戴國公弟上脫道堅二字

太宗諸子傳

嗣吳王嘯薨贈太子少保唐會要諡曰恭

三宗諸子傳

詔外繼嗣王者皆歸宗乃以嗣江王禕為信安王嗣蜀

王瑜為廣漢王嗣密王徹為濮陽王嗣曹王臻為濟

國公按曹王明傳神龍初以傑子允為嗣曹王後

改封傑弟備備薨復封允允薨子戢嗣中間不容更

有臻嗣王爵世系表備作脩

十一宗諸子傳

越王係至德二載十二月進王趙與彭亮涇鄆襄杞召

興定九王同封按肅宗紀與係同時封王者八人

彭亮涇皆由郡王進封襄杞召興定皆始封無鄆王

名又以衛王泌鄆王榮兩傳攷之則鄆王始封靈昌

郡王早薨寶應元年與泌同追封非至德中封也

襄王儻子案樂安王按敬宗子執中亦封襄王其子

案封樂平郡王兩襄王之子俱名案而封號相似亦

可疑也

敬宗第二子休復文宗開成二年封梁王第三子執中

為襄王第四子言揚為紀王以諸傳例之當云梁

文

唐書十一

七

王休復襄王執中紀王言揚各自跳行不應附於悼懷之末

宣宗十一子元昭太后生懿宗皇帝 傳兼懿宗言之當云十二子宗室世系亦作十一子俱誤

靖懷太子漢會昌六年始王雍與夔慶二王同封雅王

涇大中元年始王 按宣宗紀會昌六年四月辛酉

封子温為鄆王漢雍王涇雅王滋夔王沂慶王同時

封王者五人鄆王即懿宗故傳不及之漢當為漢字

之譌也 通鑑亦作漢音美 雅王涇之封紀以為會昌六年傳

以為大中元年疑傳誤 舊唐書本紀鄆雅夔慶四王俱以會昌六年四月封而無

雍王夔即夔也

通王滋會昌六年王夔與慶王沂同封懿宗立滋徙王

昭宗乾寧三年領侍衛諸軍 按滋與慶王同封已

見靖懷太子傳而本傳又及之此文之重複猶其失

之小者攷懿宗紀咸通四年八月夔王滋薨則滋薨

懿宗朝初未改封通王安得於昭宗朝領軍為韓建

所害乎建所殺之通王蓋別是一人而新史強合之

妄之甚矣德宗子有通王謹意建所殺者謹之後嗣

王乎舊史昭宗紀不載通王名

濟韶彭韓沂陳延覃丹九王史逸其系胄云 按彭王

惕憲宗子沂王禋昭宗子皆見本卷吳縝已糾之矣  
 朕昭宗子冲孺未握兵柄何至為韓建所忌且禋在  
 舅弟中次居第四使建欲害諸皇子又不應舍長而  
 及幼此理之必不朕者舊史昭宗紀有儀王無沂王  
 疑沂乃儀之譌新紀作沂王禋又史家妄益之也通  
 鑑攷異云順宗子經封郟王會昌後避武宗諱改郟  
 作覃則嗣覃王嗣周當是經之後予謂嗣丹王允當  
 是代宗子丹王逾之後嗣延王戒不當是元宗子延  
 王玠之後嗣韓王當是高祖子韓王元嘉之後元嘉之後  
收封鄆懿宗以鄆元宗子有濟王環代宗子有韶王  
王即位復其故名

暹敬宗子有陳王成美此濟韶陳三王疑亦嗣王也  
 諸公主傳

高祖女高密公主下嫁段綸綸為工部尚書杞國公

唐會要紀國公段綸諡曰安

紀杞字形相涉未知孰是

太宗女臨川公主下嫁周道務道務殿中少監譙郡公  
 範之子 唐會要範贈工部尚書諡曰敬

高宗女太平公主神龍時與長寧安樂宜城新都定安  
 金城凡七公主皆開府置官屬 按長寧安樂宜城  
 新都定安皆中宗女太平則高宗女也神龍朝公主  
 別無封金城者惟高宗女高安公主始封宣城神龍

初進冊長公主實封千戶開府置官屬此金城或宣城之誤

主三子崇簡崇敏崇行皆拜三品 按薛紹子崇簡武攸暨子崇敏崇行當加姓以別之

睿宗女玉真公主始封崇昌縣主 本封隆昌史家避

明皇諱追改

元宗二十九女 自永穆至壽安實三十人吳氏糾其

自相違舛今攷唐會要載明皇二十八女永穆降王

常芬降張去奢孝昌早薨靈昌早薨常山降薛譚又唐昌降薛

萬安入道寧親降張埴上仙早薨新昌降蕭衡高都降裴惠童臨晉

降鄭建平降豆盧達後降貞陽降源清後信成降獨

宜春早薨壽春降吳澄後入昌樂降竇永寧降裴平昌

降溫西華後降楊徽蘇明太華降楊興信本封高陽

封宋國史不云降蘇明樂成降薛新平降裴玲後

敷改封齊國降楊壽光降郭履謙降姜慶初

廣寧降程昌裔咸宜降楊洄後萬春降楊史合寧親

與興信為一人又多懷思普康壽安三人予謂公主

早薨者多矣獨普康公主以明皇女而追封于咸通

之世殊不近情又攷懿宗八女自有封普康者乃悟

咸通九年追封者必是懿宗之女史家轉寫重複錯



之數合矣

臨晉公主下嫁郭潛曜 郭當為鄭字之譌潛曜駙馬  
都尉萬鈞之子

衛國公主始封建平下嫁豆盧建 唐會要作豆盧達  
予謂建平主婿不當名建恐當以達為正也衛國會  
要作衡國

貞陽公主下嫁源清又嫁蘇震 按蘇訖子震官至太  
常卿彼傳不云尚公主未審即其人否也

廣寧公主下嫁程昌允 后妃傳作昌裔蓋宋人避太  
祖諱改允為裔 會要亦作裔

壽昌公主下嫁郭液 會要作壽光

順宗女西河公主下嫁沈翬 按郭子儀傳孫銛尚西  
河公主又云初西河主降沈氏銛無子以沈氏子嗣

此傳不書改適郭銛漏也 於下係處在延沈辭不願  
宣宗女廣德公主下嫁于琮初琮尚永福公主主與帝

食怒折匕筯帝曰此可為士人妻乎更許琮尚主  
永福主折筯事又見于琮傳宜刪彼存此

昭宗女永明公主蚤薨 當云薨天祐時 舊本紀在天祐三年七月

之徒雖低首屈服終亦不免視宋祖之符號銀符如  
色矣以是為聖本之前聞

之數合矣

臨晉公主下嫁郭崇韜 郭當為郭子之為晉羅將軍

昭宗文惠則公主蚤薨 當云濃天祚制 蘇三平十且 齊本錄并天

永福主祚隨事文貝于濃樹宜冊封也 作以濃

食怒世山道帝曰此何熱士人妻平夏籍崇尚主

宣宗文惠則公主不殺于凝府凝尚永福公主主與帝

此書不書如凝府凝尚

昭公主文惠西河公主不殺此輩 凝府于凝府凝尚西

昭宗文惠西河公主不殺此輩 凝府于凝府凝尚西

壽昌公主不殺此輩 會要并壽昌

唐書十二 廿二史攷異五十二

錢大昕學

蕭銑傳

若銑力困計殫以好言自釋於下係虜在廷抗辭不屈

偽辯易窮卒以殊死高祖聖矣哉 按蕭銑梁之後


裔為眾所推非有失德及唐兵深入自揣勢力弗若

不惜生降以全民命其荅高祖以田橫自比蓋道其

實耳高祖自慮養虎貽患故亟除之如李密王世充

之徒雖低首屈服終亦不免視宋祖之待劉鋹有媿

色矣以是為聖未之前聞



攷異

輔公祐傳

遂僭位國稱宋 唐初羣雄割據自立年號皆書於本傳惟公祐傳不言年號蓋史之闕也楊文公談苑記江南保大中浚秦淮得石志案其刻有大宋乾德四年字令諸儒參驗乃輔公祐反江東時年號然新舊書通鑑皆未及載萬斯同紀元彙攷謂公祐紀元天明與楊氏談苑又異

劉思禮傳

少學相人於張憬藏憬藏謂思禮歷刺史位至太師按舊唐書思禮少嘗學相術于張憬藏相已必歷刺

史位至太師揆其文義謂思禮自相當得太師非憬藏許之也新史改竄失其本旨

李安遠傳

累封至廣德郡公 石刻武德四年秦王告少林寺教有德廣郡開國公安遠名即李安遠也傳作廣德郡

誤

段志元傳

齊州臨淄人 神道碑作鄒平

諡曰壯肅 當作忠壯舊史本傳唐會要及神道碑竝作忠壯獨此云壯肅字之譌也

攷異

唐書十二

殷開山傳

祖不害仕陳爲司農卿按殷踐猷傳稱陳給事中不

齊害

劉崇魯傳

景福中以水部郎中知制誥雅與崔昭緯善帝以韋昭  
度李磻輔政昭緯懼見奪共謀沮之及磻墨麻出崇  
魯輒掠麻大哭帝問焉崇魯曰今雖乏人豈宜取儉  
人爲宰相磻以楊復恭西門重遂得近職奈何用之  
前日杜讓能羞戮未刷尚忍蹈覆轍乎磻由是不得  
相磻亦劾奏其姦因自陳爲山南楊守亮詆毀不容

與復恭交私又言崇望爲宰相使親吏日夕謁左軍  
與復恭相親厚繩巾慘帶不入禁門崇魯向殿哭厭  
詛天祚殆人之妖且其父坐賄飲藥死崇魯身爲朱  
攻史官作勸進表在太原府使西川見田令孜沒階  
趨廢制度自崇魯始其相詈訾俚淺稽校譬市人狀  
此事又見李磻傳此詳而彼畧彼傳載崇魯言又  
有磻弟爲時溥所殺一事蓋挾方鎮以恐惕朝廷故  
引杜讓能爲誠此傳不言時溥事則讓能覆轍之語  
全無著矣

許紹傳

文選

唐書十二

三

子智仁終涼州都督 唐會要智仁官懷州刺史孝昌縣男諡曰敬

許圜師傳 唐會要圜師封平恩縣公舊史作平進戶部尚書卒 唐會要圜師封平恩縣公舊史作平

恩縣男

溫大雅傳

諡曰孝 唐會要作景 大雅諡曰孝 唐會要作景

溫彥博傳

突利可汗弟結社謀反 按太宗紀魏徵突厥兩傳俱作結社率此脫率字

彥博裔孫廷筠弟廷皓 宰相世系表失載廷筠廷皓

二人

李子和傳

進金紫光祿大夫 唐會要贈靈州都督諡曰德

李勣傳

勣子震嗣終桂州刺史 唐會要有梓州刺史李震諡

曰定疑卽勣子也

薛萬均傳

帝震悼爲舉哀 唐會要萬均贈幽州都督諡曰景

高士廉傳

高儉字士廉以字顯 宰相世系表作宗儉

竇抗傳

贈并州都督 唐會要諡曰肅

竇德元傳

威從孫德元 按宰相世系表竇略五子與拔岳善熾

岳之子毅熾之子威威與毅為從兄弟德元為毅之

曾孫則威之從曾孫矣

房元齡傳

元齡字喬 宰相世系表作喬松

杜元穎傳

如晦五世孫元穎 按宰相世系表元穎乃淹之六世

孫舊唐書杜審權傳云如晦六代孫審權為元穎從

子與此傳合

魏徵傳

帝將以衡山公主降其子叔玉 按公主傳太宗二十

一女無封衡山者攷于志寧傳云衡山公主既公除

將下嫁長孫氏則是衡山停婚魏氏後許嫁長孫矣

公主傳下嫁長孫氏者有新興新城兩公主未審何

人初封衡山也

薛收傳

永徽中又贈太常卿 收諡曰獻收子元超諡曰懿文

見唐會要 山也

薛稷傳 稷字嗣慎京兆長安人官御史中丞

道衡曾孫 據宰相世系表乃四世孫

馬周傳 周字元振博陵安平人官中書令

追贈尚書左僕射 唐會要贈尚書左僕射諡曰忠

韋挺傳

慶州刺史楊文幹坐大逆誅辭連東宮帝專責宮臣由

是挺與杜淹王珪等皆流越雋 按杜淹傳亦云慶

州總管楊文幹反辭連太子歸咎淹及王珪韋挺並

流越雋文既重出以事攷之亦未核王珪韋挺皆建

成東宮官杜淹則秦王府官也文幹反辭連東宮珪

挺固宜獲咎於淹何預而同貶斥乎攷隱太子建成

傳云華陰楊文幹素凶詖建成昵之使為慶州總管

遣募兵送京師欲為變文幹遽率兵反帝以建成首

謀未忍治即詔捕王珪魏徵及左衛率韋挺等欲殺

之以薄建成罪會文幹陷寧州帝召秦王問計對曰

文幹豎子耳官司當即禽之帝曰事連建成恐應者

眾爾自行還吾以爾為太子使建成王蜀蜀地狹不

足為變若不能事汝取之易也秦王率眾趣寧州文

幹爲其下所殺以首降秦王之行元吉及內嬖更爲  
建成請帝意解復詔建成居守但責兄弟不相容而  
謫王珪韋挺天策兵曹參軍杜淹于遠方是珪挺淹  
三人之謫乃坐構釁太子秦王而非以文幹事得罪  
也王珪傳稱太子與秦王有隙帝責珪不能輔導太  
子流嶺州蓋得其實

韋待價傳

流待價繡州卒 按唐會要待價扶陽郡公諡曰元當  
是身後追復本官

韋武傳

贈吏部尚書 唐會要諡曰恭 並其贊也

李大亮傳

大亮族孫迴秀 按宰相世系表當是族子官事以

陳叔達傳

貞觀初與蕭瑀爭殿中坐忿諱不恭免官 宰相表武

德九年十月叔達瑀坐事免非貞觀初太宗崩時

楊師道傳

諡曰懿 唐會要師道諡兩見一云懿一云康

楊執柔傳

乃以執柔同中書門下三品未幾卒 唐會要執柔贈



天官尚書諡曰貞

封倫傳

祖隆北齊太子太保諡當作隆之史脫之字

裴矩傳

裴矩字宏太 宰相世系表作世矩傳避太宗諱去世

字矩隋書有傳入唐無大表見雖不立傳可也此傳

首尾一千五百五十餘字述隋事者什之七八既與

隋史重複兼亦失於限斷當云仕隋至某官事見前

史乃繼以仕宇文化及竇建德事斯為得之若封倫

蕭瑀輩舊史無傳者固不妨述其梗槩也

閻立本傳

卒諡曰文貞

唐會要無文字

韋宏機傳

孫岳子岳子孫皋別有傳

按韋皋傳六代祖範有勳

力周隋閒不言為宏機之後若依此傳則皋為宏機

之元孫皋之六世祖即宏機祖也此傳云祖元禮隋

浙州刺史

浙當作浙

不名範兩傳必有一誤又此傳岳子

乃兩字名而舊史良吏傳單稱岳亦未知誰是

蕭瑀傳

久之遷左僕射貞觀初房元齡杜如晦新得君事任稍

文集

唐書十二

分瑀不能無少望乘罅切詆辭旨䟽躁太宗怒廢于家俄拜特進太子少師復爲左僕射坐與陳叔達忿爭御前不恭免歲餘起爲晉州都督入拜太常卿遷御史大夫參預朝政會元齡等小過失瑀卽痛劾不報由是自失罷爲太子少傅加特進復爲太常卿九年復參預政事晉王爲皇太子拜太子太保同中書門下三品瑀中狹每燕見輒言元齡輩朋黨盜權帝積久亦不平瑀好浮屠法閒請捨家爲桑門帝許之矣復奏自度不能爲又足疾不入謁詔奪爵下除商州刺史 今以宰相表攷之瑀五入相而五罷武德

元年由隋民部尚書爲內史令六年遷尚書右僕射九年轉左僕射其年十月與陳叔達俱坐事免此一罷也貞觀元年六月由太子少師爲尚書左僕射其年十二月罷此再罷也四年二月復以御史大夫參議朝政其年七月罷爲太子少傅此三罷也九年十一月復以特進參預朝政十年十二月罷爲岐州刺史此四罷也十七年四月又以特進太子太保同中書門下三品二十年十月貶商州刺史此五罷也傳於貞觀十年罷相一節畧而不書其與陳叔達忿爭免官乃在武德九年太宗雖已卽位猶未改元而誤

以為貞觀初其誤與陳叔達傳同且係第一次罷相而誤以為弟二次皆自相抵牾也

蕭嗣業傳

擢累鴻臚卿兼單于都護府長史龍朔元年嗣業為扶餘道行軍總管伐高麗又為仙粵道行軍大總管伐鐵勒傳皆失書

蕭定傳

遷袁潤等六州刺史大歷中有司差天下刺史治最定與常州蕭復豪州張鎰為第一按蕭復傳但云歷歙池二州刺史治狀應條遷湖南觀察使改同州刺

史不云為常州刺史者闕也復定二人並附瑀傳末而前後不相應如此

褚亮傳

諡曰康唐會要亮諡兩見一云康一云文康未詳其

審

姚班傳

班著紹訓以發明舊義云按藝文志有姚瑱漢書紹訓四十卷即此書也班瑒字形相涉或宋初避諱瑒字缺末筆後人誤仞為班耳

令狐德棻傳

父熙隋鴻臚卿 宰相世系表隋吏部尚書武康公攷  
隋書熙嘗任鴻臚卿又以本官兼吏部尚書判五曹  
尚書事後終於桂州總管史稱鴻臚卿者當時以京  
職為重吏部未正授故亦不書也

累進爵彭城縣子 彭城當作彭陽傳寫之譌也北史

敘傳稱德棻為彭陽公德棻大父整亦封彭陽公

會修晉家史房元齡奏起之預柬凡十有八人未按藝

文志修晉書者房元齡褚遂良許敬宗來濟陸元仕

劉子翼令狐德棻李義府薛元超上官儀崔行功李

淳風辛邱馭劉引之陽仁卿李延壽張文恭敬播李

安期李懷儼趙宏智等自房相外蓋不止十八人也

顧允傳

中子琮武后時為天官侍郎同鳳閣鸞臺平章事唐

會要贈越州都督渭源縣侯諡曰靖

于志寧傳

志寧與司空李勣修定本草并圖合五十四篇即所

謂顯慶本草也藝文志載撰述人無志寧名

張易之傳

時無檢輕薄者又諂言昌宗乃王子晉後身據外戚

傳乃武三思倡言

乃詔昌宗卽禁中論著引李嶠張說宋之間富嘉謨徐  
彥伯等二十有六人撰三教珠英按藝文志三教  
珠英一千三百卷張昌宗李嶠崔湜閻朝隱徐彥伯  
張說沈佺期宋之間富嘉謨喬品員半千薛曜等撰  
又李適傳武后修三教珠英書以李嶠張昌宗爲使  
取文學士綴集於是適與王無競尹元凱富嘉謨宋  
之間沈佺期閻朝隱劉允濟在選又徐堅傳與徐彥  
伯劉知幾張說與修三教珠英時張昌宗李嶠總領  
彌年不下筆堅與說專意撰綜條彙粗立諸儒因之  
乃成書此四處重出而人數多寡同與各殊所當刪  
併以歸於一也

長孫无忌傳

太子承乾廢立晉王以无忌爲太子太師同中書門下  
三品同三品自此始按太宗紀貞觀十七年四月  
立晉王治爲皇太子特進蕭瑀爲太子太保李勣爲  
太子詹事同中書門下三品宰相表亦止載蕭瑀李  
勣二人其时无忌爲太子太師房喬爲太子太傅紀  
表皆不書者非宰相之職例不當載也百官志其後  
李勣以太子詹事同中書門下三品謂同侍中中書  
令也而同三品之名蓋起于此亦不舉无忌朕則无

忌傳云同中書門下三品者殆誤矣吳氏糾謬謂宰相表有闕文蓋攷之未審

褚遂良傳唐會要諡曰文忠

神龍中復官爵唐會要諡曰文忠

韓瑗傳唐會要諡曰文忠

父仲良終刑部尚書秦州都督府長史潁川縣公唐會要

仲良碑貞觀十二年薨贈兵部尚書諡曰定會要以

大為諡貞者誤唐會要諡曰貞

神龍初武后遺詔復官爵唐會要諡曰貞

來濟傳唐會要諡曰貞

初濟與高智周郝處俊孫處約客宣城石仲覽家仲覽

衍于財有器識待四人甚厚私相與言志處俊曰願

宰天下濟及智周亦狀處約曰宰相或不可冀願為

通事舍人足矣後濟領吏部處約始以瀛州書佐入

調濟遽注曰如志遂以處約為通事舍人後皆至公

輔云此事又見高智周傳吳氏糾謬已言其叢複

矣而容齋四筆又辨之云此事本出韓琬所撰御史

臺記而所載自不實處約傳貞觀中為齊王祐記室

祐多過失數上書切諫王誅太宗得其書擢中書舍

人是歲十七年癸卯來濟次年亦為中書舍人永徽

三年拜相六年檢校吏部尚書是歲丁巳去癸卯首  
尾十五歲若如兩傳所書大為不合仲覽鄉里一以  
為宣城一以為江都豈宣城人而家于廣陵也  
濟吳母兄恆上元中為黃門侍郎同中書門下三品  
唐會要贈太子少師來恆諡曰忠贈潤州刺史來恆  
諡曰懿蓋一人而傳聞異詞

崔知溫傳

子泰之開元時為工部尚書諤之為將作少匠與誅二  
張功封博陵縣侯按宰相世系表泰之初以職方  
郎中預平二張諤之初以商州司馬預平韋后功弟

二與此傳互異

趙宏智傳

宏安曾孫矜矜舊史無傳此采柳子厚所撰墓志添  
入宋子京好退之子厚文故於韓傳載進學解佛骨  
表潮州謝上表祭鱷魚文凡四篇藩鎮傳載平淮西  
碑孝友傳載復讎議陳京傳載禘祫議許遠傳載張  
中丞傳後序李渤傳載愈所與書張籍傳載愈答書  
甄濟傳載愈答元微之書於柳傳載與蕭翰林俛許  
京兆孟容書貞符懲咎賦凡四篇孝友傳載駁復讎  
議孝門銘宗室傳載封建論貞行傳載與何蕃書段

秀實傳亦多采宗元所撰逸事狀舊史惟退之傳載  
 文四篇與新史同餘皆予京所采也又舊唐書  
 宜遇西人深目而髯乃得其實按柳子厚撰趙君墓  
 志云乙巳于野宜遇西人深目而髯其得實因皆韻  
 語也史家刪改遂至失韻舊唐書  
 崔敦禮傳敦禮字安上宰相世系表安上字敦禮字  
 楊纂傳纂字贈幽州都督諡曰恭 唐會要恭作敬宋人避諱往往  
 改敬為恭如楊纂柳亨輩疑本諡敬而後人追改也

纂從子昉終工部尚書 唐會要諡曰恪

劉從一傳

贈太子太傅 唐會要諡曰敬

傅奕傳

上疏極詆浮圖法 奕言五帝三王未有佛法君明臣

忠年祚長久石苻亂華主庸臣佞政虐祚短事佛致

朕昌黎諫迎佛骨表其說實本於此

呂才傳

魯桓公六年七月子同生 經書九月此據夏正故云

七月



歲在乙亥月建申狀則值祿空亡 乙祿在卯丙申月  
卯爲截路空亡

又觸句絞六害借驛馬身尅驛馬三刑 亥與申相害  
故云六害亥卯未驛馬在巳申在巳前爲借巳刑申  
故云三刑月建爲身巳火尅申金身爲驛馬所尅也  
命火也生當病鄉 乙亥納音火也火病于申  
唯向命一物法當壽 亥爲本命生于申月申在亥後  
爲向命

秦莊襄王四十八年始皇帝生 莊襄當作昭襄

是歲壬寅正月命借祿 壬祿在亥生于寅月在亥前

爲借也

又破驛馬三刑身尅驛馬 寅午戌驛馬在申寅破申  
申刑寅故云破驛馬三刑也申金尅寅木身爲驛馬  
所尅也

命金也正月爲絕 壬寅納音金金絕於寅

又建命生 寅爲本命月建在寅是爲建命

漢武帝以乙酉歲七月七日平旦生當祿空亡 乙祿

在卯生于丙申月卯爲截路空亡

雖向驛馬乃隔四辰 巳酉丑驛馬在亥申至亥隔四  
辰申在亥後爲向

後魏高祖孝文皇帝生皇興元年八月是歲丁未爲背  
祿命與驛馬三刑身尅驛馬 丁祿在午未爲本命  
亥卯未驛馬在巳生于酉月在巳午未三辰之前故  
皆爲背也酉爲自刑故云三刑巳火尅酉金亦驛馬  
尅身也

又生父死中 未土爲本命生於酉月火死于酉火者  
土之父也

宋高祖癸亥三月生祿與命皆空亡 癸祿在子亥爲  
本命生于丙辰月亥爲截路空亡子爲旬中空亡  
又生子墓中 水墓于辰亥本命屬水納音亦屬水生

唐於辰月是爲己墓而云子墓所未詳也 攷異五十二  
又生祖祿下 土爲水之祖土以巳爲祿生于辰月故  
云祖祿下

諡曰獻 唐會要作憲

裴光庭傳

光庭字連城 神道碑作光庭

博士孫琬以其用循資格非獎勸之誼諡曰克平 舊

史無平字

特賜諡曰忠憲詔中書令張九齡文其碑 舊史憲作  
獻及唐會要及光庭神道碑光庭子稹墓志孫倩神

後魏高祖孝文皇帝生皇興元年八月是歲丁未為背  
 祿命與驛馬三刑身尅驛馬 丁祿在午未為木命  
 亥卯未驛馬在巳巳在酉月在地午未三辰之前故  
 背為背也酉為日刑故云三刑巳火尅酉金亦驛馬  
 尅身也

又生父死中 未土為木命生於酉月火死于酉火者  
 土之父也

又在麻新平 三月生祿與命皆空亡 癸祿在子亥為

又在麻新平 丙土為水之麻土以日祿麻生于亥日站  
 又在亥日站為日墓而壬子墓辰未精也首亦屬水生

唐書十三 廿二史攷異五十三

錢大昕學

裴行儉傳

諡曰獻 唐會要作憲

裴光廷傳

光廷字連城 神道碑作光庭

博士孫琬以其用循資格非獎勸之誼諡曰克平 舊

史無平字

特賜諡曰忠憲詔中書令張九齡文其碑 舊史憲作

獻攷唐會要及光庭神道碑光庭子稹墓志孫倩神

道碑皆作忠獻則此文誤也

裴均傳

贈司空 唐會要贈太子少保裴均諡曰貞

崔神慶傳

贈神慶幽州都督 唐會要贈幽州都督魏縣男崔神

慶諡曰貞贈太子少傅魏縣子崔神慶諡曰質蓋卽

一人而傳聞異詞

神慶子琳開元中與高仲舒同爲中書舍人侍中宋璟

親禮之每所訪逮嘗曰古事問仲舒今事問琳尚何

疑 仲舒附忠義高叡傳亦祇載此一事

楊再思傳

張昌宗坐事司刑少卿桓彥範劾免其官昌宗訴諸朝

武后意申釋之問宰相昌宗於國有功乎再思曰昌

宗爲陛下治丹餌而愈此爲有功 此事又見昌宗

傳

王璵傳

王璵者方慶六世孫 按方慶傳在卷四十一而璵傳

乃在卷三十四此前後之失序者吳縝譏裴守貞耀

卿兩傳次序失當而於璵傳獨未及之

執失思力傳

諡曰景 唐會要諡曰繆

契苾何力傳

鐵勒哥論易勿施莫賀可汗之孫父葛隋末為莫賀咄

特勒 按回鶻傳云契苾酋哥楞自號易勿真莫賀

可汗弟莫賀咄特勒皆有勇莫賀咄死子何力尚幼

率其部來歸則何力乃哥楞弟子非其孫也論楞聲

相近此傳云易勿施彼傳云易勿真未詳孰是

薛延陀傳

是時吐谷渾王伏允在突淪川 吐谷渾傳伏允走圖

倫積即突淪川也譯音無定字

西突厥阿史那賀魯以處月處密姑蘇歌邏祿卑失五

姓叛 按突厥傳賀魯居多邏斯川統處月處密姑

蘇歌邏祿弩失畢五姓之眾此卑失即弩失畢也密

蜜音同歌邏祿或作葛邏祿

諡曰毅 唐會要何力諡曰烈

尚可孤傳

徙封馮翊郡王食實戶一百五十 按下文又云封馮

翊郡王食實戶二百重複不倫當云增封戶至二百

或中間以事削封邑而後復之則史有脫文矣

王珣傳

文異

唐書十三

三

贈戶部尚書諡曰孝 唐會要贈禮部尚書王珣諡文

孝

薛平傳

贈太傅 唐會要諡成肅

程務挺傳

后遣左鷹揚將軍裴紹業卽軍中斬之 唐會要務挺

贈左衛將軍諡曰烈此傳失書不知何時昭雪也

韓思彥傳

事博士谷那律律爲匪人所辱思彥欲殺之律不可

谷那律見儒學傳谷姓那律其名也此單稱律似以

谷那爲姓矣

司農武惟良擅用并州賦二百萬緡思彥劾處死武后

爲請而免李義府與諸武共譖思彥出爲山陽丞

按武惟良爲司農后妃外戚兩傳俱未及載且惟良

等旣爲武后所銜欲置之死地何以又請免其罪又

其時后寵雖盛而諸武無當權者此譖思彥者果何

人乎

柳澤傳

曾祖亨贈禮部尚書幽州都督 唐會要諡曰敬

中宗時長寧宜城安定諸公主 安定當作定安

改是

唐書十三

唐臨傳

兄皎終益州長史贈太常卿 唐會要諡曰敬

徐有功傳

會昌中追諡忠正 按諡法無正字宋時避仁宗嫌名

改貞為正唐會要所載諡正者皆貞也有功之諡亦

當為忠貞蓋修史之時或改或不改其例初不畫一

耳

狄仁傑傳

后乃召見仁傑謂曰臣反何邪對曰不臣反死等掠矣

臣當作承

今阿史那斛瑟羅皆陰山貴種 按舊史無皆字斛瑟

羅者西突厥繼往絕可汗步真之子阿史那其姓也

新史多一皆字似誤以為二人

王方慶傳

六世孫瓌

瓌傳亦云方慶六世孫

據宰相世系表當云五世孫

沈炳震曰方慶以萬歲通天元年入相瓌以肅宗乾

元元年入相相去僅六十三年不應遽有六世孫位

至宰相且方慶子光輔開元中官潞州刺史而瓌傳

云開元末為太常博士據表光輔即瓌之高祖同時

而仕恐未必然蓋肅宗時相乃別一王瓌非方慶六

世孫也

武侯將軍田仁會仁會傳但云左武侯中郎將不云

將軍

韋嗣立傳

監察御史宋務光建言願停徵封一切附租庸輸送不

納務光疏已詳見本傳而此傳又及之何其詞之

贅也

陸象先傳

時窮治忠義等黨與當云至忠忠上脫至字

李日知傳

景龍初同中書門下平章事轉御史大夫仍知政事拜

侍中先天元年罷為刑部尚書按睿宗紀宰相表

日知以景雲元年六月由黃門侍郎同中書門下三

品傳以為景龍初者誤也傳云平章事紀表俱作同

三品當以紀表為正宰相表又云景雲二年四月日

知守侍中其年十月罷為戶部尚書傳以為先天元

年差校一年又以戶部為刑部亦誤也其轉御史大

紀表並

不載

李懷遠傳

贈侍中諡曰成唐會要贈侍中平鄉縣公李懷遠諡



曰成又有贈侍中趙郡公李懷遠諡曰惠疑一人而傳聞異詞也

魏元同傳

先是狄仁傑督太原運失米萬斛將坐誅元同救免

此事仁傑傳不載

韋見素傳

是歲至德元載十月丙申有星犯昴見素言于帝曰昴者胡

也明年正月甲寅祿山其殪乎及祿山死日月皆驗

按肅宗紀至德二載正月乙卯安慶緒弑其父祿

山與見素所占差一日又祿山傳正月朔祿山朝羣

臣創甚罷是夜猪兒入帳下以大刀斫其腹腸漬於

牀卽死攷至德元載十月辛巳朔日食從此推之次

歲正月當爲庚戌朔甲寅乙卯乃月之五六日而祿

山傳謂死于正月朔與紀傳皆不合未審誰得其實

天文志不載至德元載十月星犯昴事非志有脫漏

則見素傳所云傳聞不足信矣

韋虛心傳

贈揚州大都督諡曰正按唐會要虛心與李綱崔義

元王方慶李父輩皆諡正正卽貞也新史采自它書

多有未及訂正者如徐有功之諡忠正亦舊史所無

文異

唐書十三

七

白敏中傳

懿宗立召拜司徒門下侍郎遷平章事 遷字衍

敬暉傳

睿宗時追復官爵諡曰肅愍 唐會要元和三年追諡

張柬之為文貞桓彥範為忠烈敬暉為貞烈崔元暉

為文忠袁恕已為貞烈史載桓張袁三人諡與會要

同惟敬暉諡肅愍崔元暉諡文獻為異豈史所載者

乃睿宗朝所賜之諡乎

張柬之傳

姚州本龍朔中武陵王簿石子仁奏置其後長史李孝

讓辛文協死於羣蠻詔遣郎將趙武貴討擊兵無噍

類又以將軍李義總繼往而郎將張惠基戰死其州

遂廢垂拱中蠻郎將王善寶昆州刺史爨乾福復請

置州言課稅自支不旁取于蜀及置州掾李稜為蠻

所殺延載中司馬成琛更置瀘南七鎮戍以蜀兵蜀

始擾矣且姚府總管五十七州間皆巨猾游客 按

地理志姚州雲南郡武德四年以漢雲南縣地置與

東之所稱不同志又云武德四年以古滇王國民多

姚姓因置姚州都督并置州十二 曰于州異州五陵

利州范鄧州野共州洪郎州日南州 州神州和往州舍

眉鄧州遼備州洛諾州實十三州也 隸姚州都督府

攷異

唐書十三

而東之稱姚府總管五十七州亦不合舊書高宗紀麟德元年於

昆明之弄棟川置姚州都督與志傳年月又異

子愿漪愿仕至襄州刺史漪著作佐郎 宰相世系表

東之子漪著作郎漪子愿吳郡太守兼江東採訪使

姚崇傳

諡曰文獻 按張說撰神道碑云諡文貞其諡文獻者

乃崇之父懿也史誤

蘇幹傳

父昂尚南康公主 公主傳作南昌

李元紘傳

曾祖粲左監門大將軍諡曰明 唐會要明作胡

杜暹傳

于闐王尉遲眺約突厥諸國叛暹覺其謀發兵討斬之

支黨悉誅夏立君長于闐遂安 按西域傳于闐國

王無名眇者且亦無叛而復安之事

韓臯傳

聞鼓琴至止息歎曰美哉嵇康之為是曲其當晉魏之

際乎王凌母邱儉文欽諸葛誕繼為揚州都督咸有

興復之謀皆為司馬懿父子所殺康以揚州故廣陵

地凌等皆魏大臣故名其曲曰廣陵散言魏散亡自

廣陵始 按魏之揚州治壽春與廣陵無預皋旣不  
攷而爲此言新舊二史乃采其語入之本傳甚矣史  
家之無學也王凌刊本皆作王陵亦誤

韓洄傳

終國子祭酒 唐會要諡曰成

源乾曜傳

開元八年復爲黃門侍郎同中書門下三品 本紀宰  
相表俱云同中書門下平章事

許景先傳

景先常州義興人曾祖緒武德時以佐命功歷左散騎

常侍封真定公遂家洛陽 列傳第十三卷附許世

緒事此避太宗諱去世字彼傳云并州人而此云常  
州未知孰是世緒官左散騎常侍本傳亦不載以史  
例言之當云曾祖緒自有傳

齊澣傳

澣嘗稱陳希烈宋遙苗晉卿韋述之才後皆大顯 按  
史家之義獎忠義而抑姦諛唐史於齊澣傳云澣嘗  
稱陳希烈之才於魏知古傳云薦伊闕尉陳希烈等  
後皆有聞于時於陸餘慶傳云薦河南達奚珣等後  
皆爲知名士希烈珣唐之大臣身爲賊相雖貴顯何

文選

唐書十三

足道而輒津津述之可謂無識之甚也

李峴傳

吳王恪孫也 按宗室傳恪子琨琨子禕禕子峴世系表亦同則峴乃恪之曾孫

李回傳

新興王德良六世孫 按宗室傳稱長樂郡王幼良六世孫與本傳異而宗室世系表以回爲長平郡王叔良六世孫又與兩傳俱異攷舊史回傳父名如仙據世系表如仙爲長平王五世孫則回出自叔良之後審矣

贈刑部尚書 唐會要贈司徒諡文懿

唐宰相以宗室進者九人林甫姦諛幾亡天下李程知柔在位無所發明其餘以材稱職號賢宰相 按宗室世系表宰相十一人此云九人者知柔以嗣王權知中書事非真當國麟亦屬疎故不數也林甫姦邪宗閔植黨皆爲宗室之恥其餘才局各殊要爲稱職程雖蒙惡諡而在位能直諫請選名儒侍講禁中亦得輔導幼主之誼新史特立宗室宰相一篇意以諷當時之不用宗室耳朕舍宗閔而厚責程吾不知其何說也程上不當有李字

劉知幾傳

劉子元名知幾以元宗諱嫌故以字行按列傳名字之下例書某州縣人其無可攷者亦於傳首言之如衛伯玉宋申錫高鉞傳云史失其何所人鄭薰傳云亡鄉里世系是也而劉知幾元結韓全義劉栖楚韋表微李翱王璠裴坦鄭縻孫偃蕭穎士柳并皇甫冉諸人傳皆闕之結傳載自釋一篇述其族望鄉里甚備篇首不書可也知幾傳敘其撰家史稱彭城叢亭里諸劉出楚孝王囂曾孫居巢侯般云云篇首不書亦可也知幾兄知柔見文藝傳云徐州彭城人若全義諸人鄉里既無

可攷當依衛伯玉諸傳之例方合史法

蔣乂傳

與許孟容韋貫之刪正制敕三十篇為開元格後敕藝文志有元和刪定制敕即此書

若幽者攷舊書肅宗紀上元二年殿中監李若幽賜名國貞新史失載賜名一節此語遂難曉矣

張獻恭傳

子煦贈太子太保 唐會要贈太子少保諡曰圉

張獻甫傳

攷異

唐書十三


三

贈司空 唐會要諡曰烈

牛仙客傳

朕且用康誓 誓當作誓讀為辨隋唐以前俗字所謂

巧言為辨也



文政十

